

SHALOM

 Ndi a livhuwa, nga maanda, Mukomana Isaacson. [Mukomana Isaacson u thoma u amba nga ha muthu a na pfuko. A hu na tshithu kha theiphi—Mudz.] . . . Isaacson.

Ndi matsheloni a vhuđi, dzikhonani, ni nga dzula fhasi. Ee. Ndi zwa vhuđi u vhuya hafhu ngeno murahu sogani. Ni a divha, ro . . . ndi a tenda, tshifhinga tsha u fhedza musi ndi fhano, ndo ira hafha fhethu, “murahu ha soga.” Hafho ndi hone hune ra anzela u wana ene—ene Murena, kana he Zwa wanala tshiňwe tshifhinga musi Mushe a tshi khou lisa nngu murahu sogani.

Hoyu hafha, ndo mu topola, kha tshifhoni tsha nga matungo, a si kale, a tshi khou bva fhasi. Ndo pfa u ralo, liňwe duvha, uri o vha a vhuongeloni. Ndo vha ndi tshi khou mu rabelela, huno khoyu afha o dzula henefha, ano matsheloni. [Muňwe muthu u ri, “O fhola.”—Mudz.] Zwo luga, izwo ndi zwa vhuđi. Nda takala nga maanda. O vha a na u shuluwa ha malofha. Huno ngauralo, ro takala nga maanda u mu vhona, nga ano matsheloni.

Ndi humbela pfarelo nga u pfa nga hoyu murathu we a vha a na rię, tshifhinga tsho fhiraho henefha, ane a vha na pfuko, ngei vhuongeloni. Ri a zwi divha uri ri tou vha na ndila nthihi fhedzi kha hezwi, nahone heyo ndi ndila ya lufu. Hezwo, rothe ri do teya u tshimbila yeneyo ndila, kana o lugesaho vhukati hashu, a re mukhethwa-khethwa washu, ri hwalana nňha ha vhidja la muňwe. Huno zwo diralo Yesu o ri, “Hoyo ane a tenda kha Nne ha nga lovhi.” Fhedzi zwine zwa vha “lufu” hafho, a si zwine ra zwi vhidza lufu.

² Vhunga musi Yesu a tshi amba nga Lazaro, O ri, “O edela.”

Huno vha ri, “Zwo luga, ri do ralo . . . U ita zwone arali o edela.”

³ Zwenezwo Yesu o ri, a teya u vha vhudza nga luambo lune vha lu divha, ni a vhona, “O lovha.” A ri, “Huno u itela vhoiñwi, Ndi a takala Ndo vha ndi si ho henefho, fhedzi Ndi ya u mu vusa.” Ni a vhona?

⁴ Huno ndi hone he A topola izwo zwa vhuđi zwine ra vha nazwo kha Luňwalo, “Uyo ane a pfa, uyo ane a tenda kha Nne, u na Vhutshilo ha lini na lini; ha nga di khaþuloni, fhedzi o fhira u bva lufuni o ya kha Vhutshilo. Ndi Nne mvuwo na Vhutshilo. Uyo ane a tenda kha Nne, naho o vha o fa, fhedzi u do tshila. Huno nnyi na nnyi ane a tshila nahone a tenda kha Nne, ha nga lovhi.” Ni a vhona? Ha nga lovhi! A hu na . . . Zwavhuđi-vhuđi a hu na lufu kha Mukriste. O . . .

Lufu zwi amba “Phandekanyo ya u ya nga Hu Sa Fheli.”

⁵ Huno zwino sa musi ri tshi kha di...u lovha, vhunga kha muvhili wa nama sa zwine ra vha zwone zwino, ri a fhendekanya nga tshashu. Fhedzi, uno muvhili u tou vha tshithu tshi tshothe tshine tsha ri talusa nga tshashu, ngauri ro vhofheya kha zwipfi zwičanu: u vhona, u thetshela, u kwama, u fembedza, na u pfa. Huno tenda fhedzi ra vha ri tshi kona u vhonana kana u kwamana, ngani, ri na vhutanzi ha uri ri fhano. Arali ni bofu nahone ni sa koni, huno—huno ni sa koni u vhona, zwenezwo ni a kona u kwamana, huno ri...kana u pfana nga tshaču. Huno zwipfi zwa liphasini zwi a khwačisedzana.

⁶ Fhedzi, zwavhukuma, nga vhungoho, a ri athu u vhonana. No vha ni tshi zwi divha izwo? A ri athu u vhonana. Ni pfa tshiňwe tshithu tshi tshi khou amba u bva kha muvhili hafha tshine tsha edzisela tshini na tshini tshi re nga ngomu. Ngauralo-ha musi ri tshi amba rothe, ri khou—zwavhukuma-kuma a ri khou amba na muvhili. Ndi myua u re ngomu, fhedzi muvhili ndi tshithu tshine tsha talusa myua u re nga ngomu. Huno zwe ralo, musi ri tshi amba rothe, ri khou ralo...ri a tāvhanya u pfectesa arali ri Vhakriste kana hai, ngauri hu na vhuledzani kha myua une ra amba u bva khawo, ni a vhona, u ya dzingitshelana, hezwo, uri arali ri Vhakriste kana hai. Ngauralo a ri athu u vhonana.

⁷ Yesu. “A hu na muthu o no vhonaho Mudzimu na luthihi, fhedzi mubebwa a eþhe wa Khotsi o Mu khwačisedza.” Ni a vhona? Nga maňwe maipfi, Mudzimu o vha o taluswa. Ene—ene Muthu wa Mudzimu o vha o taluswa kha Muvhili, Murena Yesu Kristo, ngauralo O vha a tshifanyiso tsho vhonadzwaho tsha Mudzimu. Kana, Mudzimu a tshi divhonadza Ene muňe kha tshifanyiso, ni a vhona, kha tshifanyiso, Muthu. Mudzimu o divhonadza Ene muňe kha riňe, nahone O vha a Mudzimu. Hu si muthu wa vhuraru kana muthu wa vhuvhili; O vha a Muthu, Mudzimu. O vha a Mudzimu Ene muňe, a tshi khou dičalusa Ene muňe, uri ri kone u Mu kwama.

⁸ Timoteo ya u Thoma 3:16, “A tshi hanedzei, hezwo ndi u tata, ndi tshihulu tshiphiri tsha vhumudzimu, ngauri Mudzimu o vha o vhonadzwa, kana o divhiswa, namańi.” Naa izwo a si zwa vhudi? Mudzimu! Huno ro vha ri nga si vhuye ra pfectesa Mudzimu musi A tshi tshimbila kha Khavhu ya Mulilo, na zwiňwe, vhunga O ralo. Fhedzi ro Mu pfectesa musi A tshi vha muňwe washu, ni a vhona, musi A tshi vha Muthu. Zwenezwo O vha a tshi kona u amba na riňe, huno ro vha ri tshi kona u Mu kwama, ra Mu fara, ra Mu kwama, na zwoþhe. Huno vhunga Luňwalo lu tshi amba zwi khagala lwa ri “ro fara Mudzimu,” ni a vhona, nga zwanda zwashu, ra Mu kwama nga zwanda zwashu.

⁹ Mudzimu u kha muthu. Huno U khou dičalusa Ene muňe ñamusi kha tshivhidzo Tshawe. Kha Mukriste o bebiwaho hafhu, Mudzimu u ya dičalusa. Ene muňe, uri U dzula a Mudzimu. Huno shango la nnđa li do divha Mudzimu musi vha tshi vhona

Mudzimu kha inwi na nne. Heyo ndi yone ndila i yothe ine vha do divha ngayo Mudzimu, ndi musi ri luñwalo lwo ñwalwaho, luñwalo lwa Luñwalo, ri vhaliwa nga vhatu vhothe. Huno vhutshilo vhune ra vhu tshila vhu vhonadza zwine zwa vha nga ngomu hashu. Muthu u ̄aluswa nga mishumo ine a ita. Ngauralo mishumo yashu i teya u vha ya vhudi, ni a vhona, i teya u dzula i ya vhudi, ngauri ri khou imelela Murena washu Yesu Kristo.

¹⁰ Ndi zwithu zwa vhudi hani, nga maanda musi ene—ene munna wa kale a nga ho nne a tshi ima hafha huno—huno a elekanya nga vhutshilo vhu no khou fhele, ho fhiraho, huno—huno ri khou livhana na u ya nga Hu Sa Fheli. Huno ri tshi divha uri arali vhuno vhutshilo hu hone fhedzi hune nda vha na fulufhelo khaho, ndi do vha muthu a ̄ungufhadzesaho ano matsheloni. Fhedzi ndi a divha uri vhuno vhutshilo hu tou vha murunzi wa zwine zwa kha di teya u—u da. Ndi tshivhoni, ngauri tshi nga si vhe tshithu tsho khunyelelaho tshe Mudzimu a ita. Mudzimu ha iti tshithu na tshithihi tshine tsha lovha. Ni a vhona? Mudzimu ndi wa u ya nga Hu Sa Fheli. Huno, zwo ralo, hovhu vhutshilo vhune zwino ra tshila khaho, vhu khou tou sumbedza fhedzi vhu re phanda hashu. Ha vhukuma vhune vhu nga si fe. Muvhili u sa lovhi. Vhutshilo vhu sa do dzhiwaho. Ni a vhona? Huno zwo ralo Mañwalo a khou amba zwone, musi A tshi ri ri na Vhutshilo tshothe, Vhutshilo Vhu Sa Fheli. A ri nga lovhi. Ni a vhona, ngauri ri vha... Musi no bebwahafhu, ni vha tshipiqa tsha Mudzimu. Ni a vhona, ni wa u ya nga Hu Sa Fheli lwa tshothe, a zwi nga vhuyi zwa kundelwa. Ni tshipiqa tsha Mudzimu, ngauri ni murwa Wawe.

¹¹ Zwino, ndi nga dzhia linwe dzina, huno nda ri dzina langa ndi linwe dzina-vho. Ndi nga dzhia dzina la mme anga, Harvey, line la do vha la tsinisa kha nne. Shangoni, mme anga vho vha vha Harvey, huno zwenezwo ndi nga dzhia dzina la Harvey. Fhedzi naho zwo ralo malofha a do sumbedza uri ndi Branham. Ni a vhona? Ngauri ndi tshipiqa tsha khotsi anga. Huno tenda ndi tshe na malofha ngomu hanga, ndi do dzula u vha tshipida tsha khotsi anga. Ni a vhona, hezwo ndi zwone. Huno musi ndo bebiwa nga Muya wa Mudzimu, ndi tshipiqa tsha Mudzimu, ndi zwenezwo fhedzi; ndo ̄aluswa Nae, ni a vhona, uri ndi Ene Khotsi anga. Zwenezwo vhutshilo hanga vhu teya u vhonadza Ene; vhunga vhutshilo hanga vhu tshi vhonadza khotsi anga vha kha lifhasi kha tshivhumbeo tshe a vha a khatsho. Nne... Vha ri ndi vhonala sa khotsi anga nga maanda, zwo ralo-ha ndi tshivhumbeo tshawe tshi khou vhonadzwa nga nne. Huno kho—khotsi anu vha vhonadzwa kha inwi, na vhabebi vhañu. Huno, ngauralo, Mudzimu Khotsi ashu u vhonadzwa kha riñe musi ro bebwahafhu na—na u vhambedzwa fhano kha tshivhumbeo Tshawe.

¹² Zwino, ndo thoma u amba, a thi athu u swika kha linwalwa langa la zwe nda vha ndi tshi khou ya u amba ngazwo.

¹³ Ndo dzulela u takalela muṭangano wa nduni, muṭangano wa nduni i ngaho ino, u fhira—u fhira zwine ndi a tenda vhatu vha elekanya uri ndi a ralo, ngauri miṭangano ya khwiñesa na zwifhinga zwa khwiñesa zwa vhuledzani kanzhi zwi iteya kha muṭangano wa ndu ya thabelo thukhunyana i ngaho ino. He nda pfa ndi tsinisa na Mudzimu, ndi musi kugwada kuṭuku kwa vhatendi kutshi kuvhangana, huno heneffo ra losha.

¹⁴ Zwino ano matsheloni, ndi a kholwa ri dzula hafha, furaru, fuina, furaru, ndi a kholwa, kana tshiñwe tshithu tshi nga ho izwo, ndi tshi vhala na vhana. Ndi nga si ḋivhe. A thi mukoni kha—kha—kha u vhala mbalo, u tou lavhelesa fhedzi kha kugwada kuṭuku kwa vhatu, ngauri hu na dzinwe phera hafha, ni a vhona, dzine a thi khou vhona vhatu khadzo. Zwino, fhedzi musi ri tshi kuvhangana roṭhe sa hezwi, ndi pfa uri ri sendela tsini nga maanda zwine a ri zwi wani musi ri nn̄da kha tshihulu, tshihidzo tshihulu nga maanda. Rine, ri a kona u diṭandavhudza. Ndi ngazwo, ano matsheloni, ndo elekanya, ndi tshi khou da fhasi hafha, uri ndi do amba na tshihidzo hafha ano matsheloni, na mufunzi watsho muṭuku a funeyaho. Ndo takala nga maanda na u vhona khonani dzanga nn̄zhi hafha, Strickers na vhoṭhe havho vhane—vhane ndi kale ndi sa vha vhoni.

¹⁵ Huno ndi do amba ano matsheloni na inwi nga Mulaedza wanga wa nwaha muswa we nda dzudzanya uri ndi u ambe nga masiari a Swondaha i no tevhela kha muṭangano wa ngei Phoenix, kha audithoriamu. Ngauri, ngomu hafha, ndo elekanya uri khañwe vha khou ita dzitheiphi dzawo nn̄da hafho. Lune nda... Khañwe Muya Mukhethwa u do mpha yone—yone ngelekanyo ya khwiñe hafha vhukati ha tshigwada tsha vhatendi, u fhira khañwe zwine zwa do ralo vhukati ngei Phoenix, ni a ḋivha, hune u tenda na u sa tenda, na manditi na—na zwoṭhe zwo ṭanganana. Huno zwo ralo arali murathu a na zwo raloho, na u tendela theiphi dza ya nn̄da, hezwo zwi do vha—zwi do vha khwiñe u zwi ita nga yeneyo ndila, ngauri ni do vha na theiphi ya khwiñe hafha. Ndo humbela vhatukana uri vha thome nga u lavhelesa zwilidzo. Huno musi ndi tshi dzhena ngomu ano matsheloni, Mukomana Terry o mmbudza uri zwilidzo zwo vha zwo dzudzanya. Ngauralo, hezwo ndi—hezwo ndi zwavhudzi. Ngauralo kha ri thome u ralo, phanda ha musi ri tshi dzhena kha haya mafhungo a ndeme, nahone ndi a ḋivha...

¹⁶ Ndi a tenda vho ri vhañwe vha vhoinwi ni khou dzula u itela tshiswiṭulo, ri khou ya u vha na tshiswiṭulo hafha midavhini kana nduni, kana tshiñwe tshithu, roṭhe. Hetshi ndi zwa vhudi nga maanda. Ndi tou livhuwa u ni vhona noṭhe no kuvhangana.

¹⁷ Huno ndi pfa uri—uri Mulaedza wanga ano matsheloni u khou ḋivhisa Tshihidzo tsha Mudzimu a tshilaho, ni a vhona, na zwine nda tenda uri hezwi ndi tshipida Tshawo tsho

dzulaho hafha ano matsheloni. Huno phanda ha musi ri tshi da kha tshipida tsha ndeme, kha ri kotamise ḥoho dzashu lwa tshifhinganyana u itela thabelo.

¹⁸ Khotsi ashu wa Tađulu, ri a U livhuwa zwiħulu, nga u konawho u fhiwa tshikħala tsha u ɖivhadza Iwe sa Khotsi ashu, ngauri *Khotsi* zwi amba uri ro bebwä nga Mudzimu muhulu o sikaho maṭađulu na liphasi. Huno ro takala zwiħulu nga hetshi khala, tħshine ra kona u elekanya mbiluni dzashu, huno, zwenezwo, uri ri vharwa na vhananyana vha Vħau. Huno zwenezwo u vhona Iwe u tshi ɿtalusa lwo fhelelaho vhukati hashu, uri U Khotsi ashu, u tshi shandukisa ngelekanyo dzashu u bva kha zwithu zwa shango, na u shandukisa lutamo lwasu na zwipikwa na maitele, na tħivħumbeo tshiñwe na tshiñwe tħashu, uri ri fune Iwe na u tenda Iwe, nahone—nahone ri ɖivhe uri pfulufhedziso Dzau ndi dza ngħo.

¹⁹ Ro kuvhangana fhano ano matsheloni hafha fhethu hune ra hu vhidza “murahu ha soga,” kana ndi hu vhidzisa zwenezwo, ndi tshi elekanya izwo. Mbuno ya uri ndi ambe hezwo, Murena, a si u vhonadza tshiñwe tħiħi-vho kha hetshi tħigwada tshiṭku tsha vħathu, fħedzi, tħa tshiñwe na tshiñwe tħiħne tshi nga vha tħa mvelo ya u vha tshiṭku.

²⁰ Fħedzi ndi khou lingeda u elekanya uri ho vha hu Mushe, mulanda Wau, o vha a murahu ha soga, khańwe ene na nngu dzawe, khańwe na mufumakadzi wawa, Tsipora, na-na-na Gerisoni, murwa wawa, a ngavha o vha a hone. Ndi... Hezwo a thi ɖivhi. Fħedzi ho vha heneffo he vha vha na tħenzhemlo tshe tħa shandukisa muporofita, u bva kha goswi li shavħaho, u ya kha tħumelo ya Mudzimu we a mu tela uyo mushumo, murahu ha soga. Ho vha heneffo he—he Khavhu ya Mulilo ye ja vhonadzwa lwa u thoma vħutshiloni ha muthu, u ya nga hune ra ɖivha, hoyo Mulilo wo vha wo dzula murahu kha tshiṭaka tshiṭku tħa sogani, huno tħi sa swe. Fħedzi—fħedzi ho vha hu Vħugħala ha Mudzimu vħu tħi khou ɭivħonadza kha tshiṭaka; he Mushe muporofita a bvula zwienda zwawie, a sendela tsini Nawo, huno a laiwa nga Mudzimu uri a phuluse lushaka lwa vħathu vha Mudzimu.

²¹ Ngavhe zwi tħi ralo nħamusi hafhu, Murena, ngeno murahu sogani hune ra bvula, vħunga zwo ralo, zwienda zwashu, miñadzi yashu, zwothe zwashu, huno nda zwi vheya fhasi ha tħifħambano tħa Kristo, huno nda ri, “Ndi fhano, Murena, nthume.”

²² Fhaṭutshedza hoyu mufunzi, Mukomana washu Isaacsons, murathu. Ri rabela uri U mu fhaṭutshedze na mufumakadzi wawa, na vhaṭuku; Mukomana Stricker, mufumakadzi wawa na vhaṭuku; na vhańwe vhothe vha re hone hafha kha ano matsheloni.

²³ Huno ro kuvhangana fhano; hai, Murena, hu si u itela vhuniwe vhugala vhuhulu, kana u divhiwa sa murangaphanda kana—kana muñwe... muñwe muofisiri wa tshiñwe tshihulu. Ro ralo—ri tou vha fhano sa vhatendi vho dinyadzaho. Ri fhano ngauri ri a U funa, nahone ri a funana. Huno musi ri tshi vhonana nahone ri tshi kuvhangana rothe, ri wana uri zwi vhonala ho dala zwa Mudzimu ro kuvhangana rothe sa musi mutendi muñwe na muñwe a tshi dikuvhanganya huñwe fhethu. Huno Yesu o ri, “Arali na ita hezwi Dzinani Langa, zwenezwo-ha Ndi do vha vhukati hañu.” Huno ri a zwi divha uri U fhano.

²⁴ Amba na rine, Murena. Huno arali hedzi notsi t̄hukhu dze nda ñwala hafha, na Mañwalo a u sumba khao, zwi nn̄da ha ndila, ano matsheloni, zwa ngelekanyo ine Wa do ita uri ri elekanye, zwenezwo, Murena, ri tou fhira izwo, huno ri ite u ya nga hune Wa ri vhudza uri ri ite. Ri fhañtshedze zwino, ngauri izwi ri zwi humbelia nga Dzina la Yesu Kristo. Amen.

²⁵ Zwino, kha u vhalwa ha Luñwalo, zwo vha zwi tshi anzela uri ndi... phanda ha musi ndi sa athu u vha na miñwaha minzhi, ndo vha ndi tshi elelwa zwa vhudzi. Huno nga ala maduvha, ndo... mađuvha a musi ndi tshe muñku, ndo vha ndi sa dzhii mulaedza mulapfu, khañwe miniti ya furaru kana zwiñwe zwithu, nda livha kha ngelekanyo nthihi nahone nda i vheya muhumbuloni wanga. Fhedzi zwino ndi... mbuno ya uri zwino ndi fare ino miñtangano milapfu, ndi ngauri ndi khou theipha. Ni a vhone? Huno ino theiphi, vhatukana hafho vho no khou i theipha, i do thoma nga tshifhinga tsho yaho nga u ralo, khañwe zwino, mathomoni a thabelo, huno ya ya hunzhi, fhethu hunzhi, u mona na shango zwavhukuma. Ngauralo ri khou ya u amba ano matsheloni kha wa ñwaha muswa... kha zwine ra zwi vhidza Mulaedza wanga wa ñwaha muswa. Ndo lingedza, ndo vha na milaedza miraru ya Khushumusi, huno ndi divha vhatatu hafha murahu ha soga vhanne vha wana hedzo theiphi. Huno kha wanga—kha Mulaedza wanga wa u fhedza nthia hafha tshividzoni, kana tsini na Mulaedza wanga wa u fhedza, wo vha u khou amba nga *Tshedza*. Huno arali ni si na theiphi, ndi na vhuñanzi uri ni do u takalela. Ndo u takalela nga maanda, t̄huthuwedzo yawo, Murena vho nn̄yea.

²⁶ Zwino ñamusi, musi ri tshi livhana na wa ñwaha muswa, ndi—ndi khou t̄oda u elekanya hu si sa kale, fhedzi ndi khou t̄oda u lavhelesa kha zwi ñdaho. Ni a vhone? Vhunga Paulo o ri, “Ndi tshi hangwa nga hezwo zwithu zwo fhiraho, ndi ya phanda kha luswayo,” ni a vhone, “Iwa mbidzo khulwane.” Huno vhunga zwo vhonadzwa, sa u lavhelesa murahu nga kha tshivhoni tsha modoro. Ri khou lavhelesa zwe ra fhira, musi ri tshi lavhelesa kha tshivhoni tsha murahu. Zwino a ri khou lingedza u vheya Mulaedza ñamusi sa u lavhelesa kha tshivhoni tsha murahu. Zwi do dzhia tshifhinga tshilapfu, ni a vhone, zwithu zwe Murena vha ita. Huno noñhe ni a divha zwithu zwiñhulu zwe Murena

washu vha ita, ndi zwiñwe zwa zwithu zwa maanda manzhi zwe nda vhuya nda vhona vhutshiloni hanga, U sokou—u dzenisa ngomu miñwedzi i si gathi yo fhiraho. Huno, fhedzi zwino ri a livhuwa kha zwe zwa ralo, fhedzi zwino ri khou lavhelesa phanda. Ri khou lavhelesa kha zwine ra khou yela, huno kha hoyu wa 1964.

²⁷ Huno zwino arali ni tshi takalela u vhala, kana—kana, ndi do takalela u vhala mañwe a Mañwalo, ngauri hezwi zweñothe two disendeka kha Ipfi Likhethwa la Mudzimu.

²⁸ Zwino ntsieleni zwino miniti i yelaho kha awara kana ya fumiñhanu, u itela ino theiphi. Huno, Murena vha tshi funa, ndi do lingedza u i bvisa uri ni kone u vha na tshiswiñulo tshañu. Ndi a livhuwa no mmbudza uri ndi tou vha na u swika iri ya vhurathi nñha ha tshithoma madekwana a ñamusi. Hezwo zweñothe vha zwa vhudi.

²⁹ Zwino kha ri vule fhethu huvhili kha Bivhili, bugu dzo dzula tsini na tsini. Ndi kha Testamente ya Kale. Ndi dzhia liñwalwa kha u vhalwa, u bva fhethu huvhili, Yesaya 62 na Dzipsalema 60. Zwino kha Yesaya 62, ri do vula uri ri thome ngaho u vhala. Huno kha hezwi, ri humbudzwa nga maanda mahulu a Murena Mudzimu washu, na uri hani—uri O hula hani, na uri Mudzimu washu u na maanda hani. Mpfareleni, ndi Yesaya 60 vhudzuloni ha 62. Yesaya 60. Zwo luga, zwino ri vhala hezwi, Yesaya 60:1 na 2.

Vuwa, huno u vhonetshele; ngauri tshone tshedza tshoda, na vhugala ha MURENA ho u ḥavhela.

Ngauri, vhona, . . . swiswi li do tiba liphasi, na liñswu ha swifhadza vhathu: fhedzi MURENA u do u ḥavhela, nahone vhugala hawe hu do vhoñwa kha iwe.

³⁰ “Swiswi liñswu li kha vhathu.” Zwa hezwi, two tou ralo, hetshi ndi tshiporofito tsha ḫuvha liñne zwino ra khou tshila khalo.

³¹ Zwino kha ri vule kha Dzipsalema. Ndi a tenda ndi nga vha ndo qadanyana he nda ñwala hone Mañwalo anga fhasi hafha, musi ndi kha u ḥavhanya vhusiku ho fhiraho ndi tshi a ñwala, ndi tshi ñwala hezwi. Dzipsalema 62:1 u swika kha 8.

Ngo ho mya wanga u lindela kha Mudzimu: khae hu bva u tshidzwa hanga.

Ene a eñhe ndi tombo ḥanga na u tshidzwa hanga; ndi tshipilelo tshanga; a thi nga dzinginyei nga maanda.

Ni do liñsha lini u thatchedza munna muthihii? Ni do vhulaiwa nga vhoñwi noñhe: sa lwo sandamaho—lúvhondo lwo sandamaho . . . fhedzi, huno sa mutsheñu waho.

Vha vhudzisa fhedzi u mu posa fhasi u bva kha zwa vhudi: vha dzula kha mazwifhi: vha fhañutshedza

vhavho...nga mulomo wavho, fhedzi nga ngomu vha tshi semana. Sela.

Muya wanga, lindela fhedzi kha Mudzimu; ngauri ndavhelelo dzanga dici bva Khae.

Ndi ene tombo langa a eṭhe na u tshidzwa hanga: ndi tshipilelo tshanga; a thi nga dzinginyiswi.

Kha Mudzimu hu wanala u tshidzwa hanga na vhugala hanga: tombo la nungo dzanga na dzhavhelo yanga, zwi kha Mudzimu.

Mu fulufheleni tshone tshifhinga tshothe; vhoiwi vhatu, tevhulani dzimbiyu dzaṇu phanda hawe: Mudzimu ndi dzhavhelo ḥashu. Sela.

³² Zwino, arali na nga limuwa kha u vhalwa ha Luṇwalo hafho kha Dzipsalema, lu dzulela u ri, “Mudzimu ndi tombo langa.” Naa ni a zwi ḥivha uri tombo li fanyisa mini kha Bivhili? Tombo kha Bivhili, hafha, li fanyisa “nzumbululo ya Mudzimu.” Ni a vhona, “Mudzimu ndi nzumbululo yanga.” O ralo, ni a vhona. Nzumbululo ya Ipfi ndi tombo.

³³ Ngauri, Petro liṇwe ḥuvha musi... Yesu o vhudzisa mbudziso, “Vhathu vha ri Nṇe Murwa wa muthu ndi nnyi?”

³⁴ Huno muṇwe wavho a ri, “Iwe u... Vhaṇwe vhavho vha ri U Mushe, kana Eliya, Yeremia, kana muṇwe wa vhaporofita.” Fhedzi heyo yo vha i si mbudziso.

“Inwi ni ri ndi Nṇe nnyi?”

³⁵ Ene, Petro a amba, haya maipfi a ḥivheyaho, huno a ri, “Iwe u Kristo, Murwa wa Mudzimu a tshilaho.”

³⁶ A ri, “Mu fhaṭutshedzwa ndi iwe, Simoni, murwa wa Yona, ngauri ḥama na malofha a zwo ngo u dzumbululela hezwi, fhedzi Khotsi Anga vha re Ṭadulu. Huno kha heli tombo!” Ni a vhona?

³⁷ Huno Davita u khou amba hafha, “Mudzimu ndi tombo ḥashu.” Mudzimu ndi tombo ḥashu musi Mudzimu o dzumbululwa kha riṇe. Hezwo zwi vha tombo, ni a vhona. Mudzimu ndi tombo ḥashu.

³⁸ Zwino, liṇwalwa langa, u itela ano matsheloni, ndi ipfi li so ngo ḥoweleyaho: *Shalom*. *Shalom*, kha Tshihvheru, zwi amba “mulalo.” Huno hezwo ndi zwine nda amba na Tshihhidzo ano matsheloni, “Shalom!” Hoyo ndi mulalo.

³⁹ Nga Tshifinnish li vhidzwa u pfi *Jumalan rauha*, zwine zwa amba “Mulalo wa Mudzimu” kha inwi. *Rauha*. Mudzimu, ni a vhona, mulalo wa Mudzimu, shalom.

⁴⁰ Mulaedza wanga wa ḥwaha muswa ndi wa Tshihhidzo tsho nangiwaho kha Yesu Kristo, wa 1964. A si—a si wa zwigwada zwa tshihhidzo fhedzi; fhedzi Munangiwa, Mufumakadzi, Mufumakadzi wa—wa Tshihhidzo, Muselwa wa Kristo, ni a vhona, ndi ene ane nda khou mu ḥivhadza.

⁴¹ Ro livhana hafha, kha therò dzashu mbili dze ra vhala, Manwalo mavhili, zwavhudì-vhudì, o fhambana, nga tshao. Kha Yesaya, a ri, "Vuwa, hunò u vhone tshele, ngauri vhugala ha Mudzimu ho da kha iwe. Tshedza tshi fhano." Huno zwenezwo-ha ndimana i no tevhela, a ri, "Swiswi litswu li kha havha vhathu." Huno zwenezwo musi ri kha mafhande a Tshedza na swiswi, huno zwenezwo ndivhadzo yanga kha Tshivhidzo ndi uri "shalom, mulalo," kha ri wanuluse uri zwi nga ha mini, ni a vhona. Ro livhana na uno nwaha, na zwe the swiswi na Tshedza. Ri khou ralo... shango li kha tshinwe tsha zwifhinga zwe vilinganaho zwa swiswi zwe la vhuya la ima khazwo; huno fhedzi lo ima khatsho, hafhu, Tshedza tsha vhudisa tshe la vhuya la penya khatsho. Huno hu na...

⁴² Phambano i nga ye ya vha hone ngei u rangani, musi hu na swiwi litswu kha lifhasi. Huno Muya wa Mudzimu wa tshimbila nthà ha madì nahone wa ri, "Kha hu vhe na tshedza." Huno Mudzimu a fhandekanya tshedza na swiswi. Huno ndi a tenda uri zwino ri khou tshila kha yeneyo awara hafhu, hune Mudzimu a khou fhandekanya Tshedza kha swiswi, huno U khou li sukumedzela kha linwe sia la shango, uri Tshedza tshi vhonadzwe. Huno ri khou...

⁴³ Zwenezwo, tshone—tshone Tshivhidzo, mbuno ya uri ndi ri "Shalom" khavho, ndi ngauri ndi Mulalo wa Mudzimu. Hezwo ndi zwone zwine nda khou tòda u disa kha inwi ano matsheloni, u itela zwa uno nwaha muswa, ndi sa khou lavhelesa murahu, fhedzi ri khou lavhelesa phanda kha u tsha ha duvha liswa. U swika, hu na tshithu tshihulu tsho dzulaho phanda hashu, hune minwaha yo vha dakalo le ra li tulutshelwa, u kokodza, u da ha Tshedza tshihulu. Huno zwino ri a kona u tshi vhona tshi tshi tavha kha phendelashango, sia la phendelashango, tshi khou tavha vhukati ha zwi no fana zwi sa fi. Ri tshi vhona tshi tshi tavha vhukati ha maqadulu na lifhasi, u bva kha vhulwadze ho vhofhiwaho na lifhasi na shango lo tshinyadzwaho, u ya kha duvha li penyaho la Vhutshilo vhu sa lovhi na muvhili u sa lovhi na lifhasi li sa lovhi zwine a zwi nga do vhuya zwe fhira. Ndi—ndi yone "Shalom," kha—kha Tshivhidzo. Zwino, ndi tshifhinga tsha Tshedza tshi delaho vhatendi, fhedzi swiswi litswu la vhathu. Ndi...

⁴⁴ Linwe duvha ro vha ri tshi khou amba, mufumakadzi na nne, ro vha ri tshi khou amba nga—nga awara ine ra khou tshila khayo. Zwino, mbuno ya uri ndi nange hafha fhethu, ndo pfa uri ndi nga elela huno nda amba na vhoiwi, ni a vhona. Ni a vhona? Ndi, hu vhonala sa vhunga hu na tshifhinga tshi re kha vhathu tshire tsha vha tshifhinga tsho vhifhesaho tshire nda kona u elekanya ngatsho.

⁴⁵ Ndo dzulela u ita zwe the zwine nda kona kha u lingedza u, kha u hanedzana na vhathu kha sia la vhurereli; fhedzi arali ndi

sa koni u dzhia tshanda tshawe u ya phanda, hu si na ndavha uri itsho tshithu tshi nga vha tshi tsheya hani, huno tsha mu fara tshanda tshawe, huno tsha ri “hetshi ndi tshedza tsha u pfectesa ha khwine vhukati hashu,” huno na isa phanda na u funa uyo muthu (hu si u sokou zwi amba u bva kha meme dzanu, fhedzi u bva mbiluni yanga), zwenezwo a thi—a thi tshishumiswa na luthihi tsha u ya nnnda hafho na u lingedza u amba na vhathu. Ngauri, ni a vhona, hezwo ri teya u zwi ita, ri teya u funa uyo muthu. Ni a vhona? Huno ri tshi ya vhukati ha vhathu kha vhuimo hothe ho yaho nga u fhambana, na maitele o fhambanaho na zwigwada, na vhurereli na zwothe, huno ndi tshi lingedza u vheya Bivhili fhasi, huno nda ri “kha ri—kha ri zwi ambe zwi sa bvi kha mikhuvha yanu kana kha bugu yanu ya kutendele, fhedzi zwi tshi bva kha Bivhili.” Huno zwenezwo hu si . . . Khañwe tshinwe tshifhinga vhathu vha takuwa nga vhuhali; fhedzi arali nda vha na ngelekanyo nthihi ya uri a thi takaleli hoyo muthu, zwenezwo—zwenezwo ndi a divha tshithu tshithihi, Muya wa Kristo wo n̄utshela. Arali nda—arali nda pfa uri a thi takaleli hoyo muthu, hu na tshithu tsho khakheyaho kha n̄ne.

⁴⁶ Ngauri Muya wa Kristo, musi vha tshi . . . vhone . . . ngei—ngei kha u vhambiwa Hawe, huno vhathu Vhawe Ene mune vha tshi ombela zwipikiri, huno—huno tsiko Yawe ye A i sika yo vha i tshi khou ombela zwipikiri, ye A sika, murahu kha ñama Yawe ya muthu. Huno zwo ralo, nga mbilu yo dala nga lufuno, A huwelela, “Khotsi, vha hangwele, a vha divhi zwine vha ita,” ni a vhona.

⁴⁷ Huno ndo—ndo ralo u swika heneffo fhethu. Ndi a tenda uri vhathu a vha divhi zwine vha khou ita. Zwo swika kha tshifhinga tshire vhathe vho ralo, vha vhonala unga, vho no vha zwishumiswa zwa vhuvhi u swika hune—hune zwa vha zwithu zwi ṭungufhadzaho. Zwi vhonala u nga hu na—hu na murunzi wa swiswi, kha vhathu, une wa vha kombetshedza.

⁴⁸ Vhunga, sa tsumbo, hetshi tshithu tshithihi. Ndi tshi fhira lushaka u mona nahone ndi tshi khou amba, huno Murena Mudzimu a tshi khou diṭalusa, a tshi khwaṭhisidza Ipfi Lawe na u sumbedza uri ndi zwenezwo kokotolo, huno a si tendele hu tshi ambiwa tshithu nga nnnda ha musi tshi tshi vuledzeya kokotolo nga ndila ye A amba, a tshi zwi amba zwa vha hone, na zwinwe, sa zwe A vha a tshi khou ita. Huno vhathu vha dzula nahone vha zwi lavhelesa, huno vha isa phanda kha nyimele yavho nthihi. Ni a vhona?

⁴⁹ Ni a vhona, hu si u dzhiela fhasi na luthihi, fhedzi sa khaladzi dzashu, tshifhinga tshinzhi ndi tshi amba navho nga u ambara izwo zwiambaro, na u ṭunya mavhudzi avho, na zwithu zwituku. Huno muthu, vha isa hani phanda kha mikhuvha yavho, nahone—nahone vha shuma fhasi ha iyo mikhuvha na zwiñwe. Huno—huno ndi vhathu vha vhudi. Ndi vhathu vha u

luga. Fhedzi zwi vhonala unga a vha—a vha—a vha pfesesı, zwi vhonala unga a vha zwi wani. Nga mini? Ndi humela hafhu ካውሬ u no tevhela, huno, madzuloni a u vha khwine, zwi vha zwo ነኑ. Zwi—zwi isa phanda nga u ralo. Afha ndi khaladzi we a vhuya a vha na mavhudzi malapfu a vhudi, o a ታንያ. Afha ndi munna we a vhuya a vhonala unga o dzhia vhuimo hawe nahone a ya kha tshithu tshi re tshone; o humela murahu kha... vhunga mmbwa kha maṭanza ayo, na—na nguluvhe matopeni ayo. Ni a vhona, zwi humela murahu khazwo. Zwi vhonala unga hu na tshiñwe tshithu tsho rwaho vhatu vhashu, tsho rwa shango, huno a vha vhonali sa vhane vha vha na—na u pfesesa, hu na tshithu tsho khakheyaho.

⁵⁰ Vhunga ni tshi limuwa munna ነሙስ, a ni wani hovho vhungoho kha munna. A ni vhu wani kha vhasadzi. Zwino a thi khou amba nga... Mbuno ni tshi khou amba hezwi, ndi u swika kha “Shalom.” Ni a vhona?

⁵¹ Fhedzi ni limuwe vhasadzi duvhani ሁልሱ, a vha vhonali sa vhane vha vha na vhufumakadzi he vha vhuya vha vha naho. Vha tou nga vha—vha khou ታዳ u ralo, fhedzi hu na tshiñwe tshithu tshi sa vha tendeli uri vha zwi ite. Hu vhonala unga hu na vhuleme. Hezwo, ni vhudza ene—ene mufumakadzi uri ha teyi u ita hezwi na hezwi, huno mufumakadzi a Zwi lavhelesa nahone a Zwi tenda, u khou ታዳ u Zwi tenda, fhedzi hu na tshiñwe tshithu tshi ne tsha mu kombetshedzela kha iñwe ndila. Ni a vhona? Tshithu tshi ታንግፍተኛ, ndi—ndi—ndi a mu pfela vhuṭungu. O gavhiwa nga lubivhi lwa Hollywood, na dzikhunguwedzo kha thelevishini, radio, magurannda, zwiṭaraṭani, kha—kha mafasiṭere a vhengeleni, nga zwiimbaro zwa tshizwino na zwiñwe, huno ndila ine vhañwe vhasadzi vha ታንጋና nae. Huno zwi vhonala unga hu na tshiñwe tshithu tshine a vha koni u bva khatsho; vhatu vhashu vhaṭuku, vhatu vhashu vhabulwane, vhashu vha miñwaha ya vhukati.

⁵² Hu vhonala hu na tshiñwe tshithu vhukati ha munna. Munna ha tsha vhonala o ralo, u vha na u kwama ho omaho u fana na zwe a vha a zwone. Vhasadzi a vha tshe na u kwama ha wa tshifumakadzi he a vha a naho. Ni dzhia munna ነሙስ, munna ha tsha vhonala sa muswonda u fana na zwe a vha a zwone. Zwoṭhe ndi mañwe maitele a... Vha khou ታዳ u ambara zwienda zwa navhula zwa tshitopane, nahone—nahone vha khou ታዳ u tshila sa vhasadzi. Zwino hezwo ndi ngoho. Zwi vhonala zwo ralo, u yela kha u ralo, sa tshanduluso. Musadzi u khou ታዳ u ቃንያ mavhudzi awe nahone a tshila sa—sa munna. Huno munna u khou ታዳ u tshila sa musadzi. Ni a vhona? Huno ni nga amba navho, huno ndi vhatu vha vhudi vha u amba navho, vhatu vha vhudi, vha na vhushaka ha vhudi, vhatu vha ambeyahoo navho. Ndi mini tsho vhangaho izwi? Ndi swiswi litswu kha vhatu, ndi tshiñwe tshithu tshine—tshine tsha vha kombetshedzela khazwo.

⁵³ Vhunga zwe Vhayuda vha vha vhe zwone maduvhani e Yesu a da kha lifhasi, Yesaya o zwi porofita huno a ri, “Hu do vha na zwo raliho, vha do vha na maço fhedzi a vha nga vhoni, na ndevhe fhedzi a vha nga pfi.” Huno heyo ndi yone mbuno ya uri Yesu a rabelele khangwelo yavho, ngauri zwi teya u vha ngayeneyo ndila uri zwi vuledze Luñwalo.

⁵⁴ Huno zwi khou vhuya hafhu kha riñe. Bivhili yo amba nga heli duvha line ra tshila khalo, huno ya ri hezwi zwithu zwi qo iteya, “swiswi litswu kha vhathu.” Huno ri a zwi vhona, uri hu na tshinwe tshithu tshire tsha sokou vha nga u ralo, ngoho ndi uri, vhatu vha khou ḥoda fhedzi a vha koni.

⁵⁵ Nikodemo o zwi sumbedzisa tshinwe tshifhinga phanda ha Murena, “Mufunzi, ri a zwi ɖivha uri Iwe u Mufunzi a bvaho ha Mudzimu, ngauri a hu na muthu ane a nga ita zwithu zwine Wa ita arali Mudzimu a si nae.” Fhedzi ho vha hu swiswi, kana vhupofu, kha lushaka lwa Vhayuda, uri Mesia a kone u da u dzhia kha Muselwa wa Vhannda. Vho teya u Mu landula.

⁵⁶ Huno heļo ndi swiswi litswu li re kha zwivhidzo na zwinwe ɿamusi, u kundelwa u vhona Tshedza tshi penyaho. Ni a vhona? Ni a vhona, hu vhonala unga hu na u sukumedzwa hu lemelaho. Ri dzhia vhańwe vha vhaevengeli vha ɖivheyaho ɿamusi, vha khou isa phanda na u huwelela, huno vha tshi khou shuma vha tshi lwa Nayò; ni a vhona, vha sa pfeses, vha si na u pfeses.

⁵⁷ Huno a thi ambi hezwo sa—sa ḥuthuwedzo ya u lingedza u ri, “Zwino ndo vhona Hezwi, nahone, ‘vhugala kha Mudzimu,’ vho ralo—a vha ho khazwo.” A thi khou lingedza u—u amba hezwo kha . . . u ita uri vhatu vha elekanye uri, “Zwo luga, Mukomana Branham, u—u na Ngoho i yothe ine ya vha hone shangoni.” Hai, hezwo zwe khakheya. Ni a vhona?

⁵⁸ Ndi khou zwi amba fhedzi kha Tshedza tsha awara ine ra khou tshila khayo, nahone u itela mbuelo ya vhatu vhane vha khou lingedza u wana hetshi Tshedza. Ngoho, Yesu o ri, “A hu na muthu ane a nga da ha Nne, nga nn̄da ha musi Khotsi Anga vho mu kokodza.” A hu na muthu ane a do vhuya a Zwi vhona. Ndi Mbeu yo tiwaho, huno yeneyo fhedzi, i khou ya u Zwi ṭanganedza. Fhedzi ro swika heneffo fhethu hafhu. Bivhili yo ri, “Ni tshedza tsha shango.”

⁵⁹ Muporofita o ri, “Swiswi litswu li kha vhathu,” kha vhathu vha shango nga tshino tshifhinga. Huno ndi zwenezwo kokotolo zwine ra vha nazwo, swiswi litswu kha vhathu.

⁶⁰ Mudzimu, nga khathutshelo Yawe khulu, vhunga ndo dzulela u rera na u lingedza u imela zwenezwo, uri U dzulela u sumbedza Zwawe—nyito Dzawe u bva ḥadulu, nyito Dzawe khulu, dzi iteya ḥadulu phanda ha musi dzi tshi iteya kha lifhasi. U ya ɖivhonadza Ene muñe. Nga manwe maipfi, phanda ha musi Mesia a tshi da fhethu he vhushumeli Hawe a thoma, ho bvelela yone—yone Naledzi u bva ngei ḥadulu ye ya endedza muthu

u ya hone—hone—hone fhethu he A vha a hone, vhanna vha vhuṭali. Vhunga no zwi pfa kha Mulaedza wanga wa u fhedza uri Mudzimu o shuma hani na—na vhanna vha vhuṭali, huno—huno nga ḫuvha le A—A vha rembulusa nga muloro, huno O vhudza Yosefa nga muloro uri o teya u dzhiela nzhele hani vhulondavhathu ha Murwa Wawe Ene muṇe. Ngauri o vha na muloro, ho vha hu na... .

⁶¹ Muloro ndi tshithu tsha vhuvhili, tshinwe tshithu tshi re thungo kha liñwe sia, ngauri vhatu vha nga vha na miloro i si yone. Fhedzi ho vha hu si na muporofita shangoni nga helia ḫuvha, ni a vhona, ho vha hu si na muporofita, ngauralo Mudzimu o teya uri a shumise zwine A teya u shumisa. Huno a ri funza uri—uri Mudzimu a nga shumisa sia liñwe na liñwe na tshiñwe na tshiñwe tshire ra ita, arali zwo kumedzelwa Khae. Fhedzi u ranga zwi teya u kumedzelwa Ene. Litshani dzanu—ngelekanyo dzanu, dzine zwavhukuma-kuma dza vhonadza muloro wanu, ni a vhona, ngauri ndi nthā ha mihumbulo yanu. Arali na nga lavhelesa muloro, ni do zwi vhona uri ndi tshiñwe tshithu tshe na vha ni tshi khou elekanya tshore, kana tshithu tshi ngaho zwenezwo. Kanzhi, ni a vhona. Huno litshani muhumbulo wanu u vhe kha Mudzimu, zwenezwo, ni a vhona, ngauralo u vhonadza tshiñwe tshithu u itela Ene. Huno zwenezwo zwine na vha zwone, zwi tendeleni zwi vhonadze Ene.

⁶² Zwino, ngei nthā maṭadulu. Naa no zwi vhona uri ndi khou lavhelesa kha izwi, tshore—tshore Tshedza kha tshifanyiso afho nn̄da kha Life Magazine, tshe murathu ane a dzula hafha kha hoyu muṭa a vheya kha luvhondo lwawe, khuḍa tharu dza Tshedza.

⁶³ Zwo iteya zwo fhira kha muhumbulo wanga. Arali muṇwe wa vhoiwi a na thalutshedzo ya Bivhili ya Lamsa, arali na nga limuwa kha gwati ḫayo, ndi vhuraru, tshedza tsha vhuraru, tshedza tsha khuda tharu vhunga buli. Huno musi Dokotela Lamsa, khonani, khonani yanga, musi a tshi khou talutshedza Bivhili, hetsho ndi tshiga tsha Vhahevheru tsha kale tsha Mudzimu kha ndila ya vhuraru ya ngoho ine A vha ngayo; hu si Vhomudzimu vhararu, fhedzi u vhonadzwa huraru ha Mudzimu muthihi: Khotsi, Murwa, na Muya Mukhethwa. Tshedza ndi tshitendeledzi tshithihi tsho fhelelaho tsha Tshedza kha tshivhumbeo tsha khuda tharu, zwine zwa amba uri Mudzimu u dzula kha ofisi tharu: Vhukhotsi, Vhurwa, na tshikhathi tsha Muya Mukhethwa, zwoṭhe hu Mudzimu muthihi.

⁶⁴ Fhedzi no vhuya na zwi limuwa uri phanda ha musi Mapfundo a Sumbe a tshi dzumbululiwa, phanda ha musi Tshedza tshihulu tsha tshimangadzaho tshi tshi vhonala ngei kha maṭadulu nthā hafha ha Tucson, Flagstaff, he ra vha ri hone? Mukomana Fred, vhuvhili ha vhanna vhe vha vha vha hone... vhanna vhuvhili vho vha vho ima na nne nga ala

matsheloni. Musi, hezwo zwo ambiwa miñwedzi na miñwedzi phanda ha itsho tshifhinga, uri zwi do iteya. Vhothe Mukomana Fred Sothmann na Mukomana Gene Norman vho dzulaho afha ano matsheloni, musi zwi tshi ralo...vho vha vhe heneffo musi muthathabo u tshi iteya, huno ri sa zwi divhi uri hezwi zwithu zwi do iteya. Huno A nthumela murahu, a ri tshifhinga tshi tsini tsha uri Mapfundo a Sumbe o faraho zwiphiri zwa sumbe zwa Bivhili yothe, zwo vha zwo pfunelwa na Mapfundo a Sumbe. Huno na uri avha vharuňwa vho bvelela hani ndilani, vharumiwa vha Zwikhathi zwa Tshivhidzo, zwo vulelwa tshiňwe tshipida tsha izwo. Fhedzi nga awara ya vhusumbe, murumiwa wa vhusumbe, zwiphiri zwothe zwi do vuledzeya. Ni a vhona? Murumiwa wa vhusumbe wa kha lifhasi, ni a vhona, hoyu muruňwa ane A amba ngae heneffo o vha a kha lifhasi. *Muruňwa* zwi amba “murumiwa.” Huno zwenezwo, murahu ha hezwo, a vhona muňwe Muruňwa a tshi tsela fhasi, a si muruňwa wa kha lifhasi o neiwaho Mulaedza hafha, fhedzi (muňwe) Muruňwa wa maanda o tsa a tshi bva Tađulu a na musengavhadzimu ntha Hawe, huno a vheya mulenzhe Wawe kha lifhasi na kha Iwanzhe, nahone a ana nga Uyo a tshilaho u ya nga hu sa fheli, “A hu tsha do vha na tshifhinga.” Ni a vhona? Fhedzi phanda ha musi A tshi pfunulula hayo Mapfundo a Sumbe uri a a dzumbulule, O sumbedza mađembe, O ranga u a sumbedza mađadulu.

⁶⁵ Liya duvha le vha dzhia zwifanyiso u mona hothe tshipembe ha United States na Mexico. Heneffo tsho vha tsho qembelela kha Life Magazine, tshi kha di vha tshiphiri khavho. Fhedzi U ranga u zwi khwathisedza mađadulu phanda ha musi A tshi zwi ita kha lifhasi. U dzulela u ralo. U ranga u sumbedza zwiga Zwawe mađadulu.

⁶⁶ Huno na kha Zodiac. A thi khou humela murahu u funza Zodiac, fhedzi ndi khou tou ni sumbedza uri mađadulu a ya Zwi khwathisedza. Kha Zodiac ri wanulusa u ralo, kha mbonalo ya naledzi, heneffo U khwathisedza Bivhili yothe kha mbonalo ya—ya Zodiac. Ri wana uri O thoma heneffo, tshone—tshone tshivhumbeo tsha u thoma kha Zodiac ndi Tshipofu, huno tshivhumbeo tsha u fhedza kha Zodiac ndi Leo wa Ndau; zwi tshi sumbedza uri Yesu u do ranga u da nga Tshipofu, U do vhuya lwa vhuvhili sa Ndau ya lushaka lwa Yuda. Ni a vhona? U ya kha khovhe dzo vanganaho phanda ha izwo. Tshikhathi tsha pfuko, tshire ra khou tshila khatsho zwino. “Huno mađadulu othe a khwathisedza Ene,” Bivhili i ralo.

⁶⁷ Zwino, miñwedzi i si gathi yo fhiraho ndo rera, kha thevhekano ya miñgano ngei thebareakeneleni, nga ha *Zwikhathi Zwa Sumbe Zwa Tshivhidzo*. Vhoinwi, khanwe, nothe no no pfa nga hayo. Huno musi ndi tshi tou fhedza u ola Zwikhathi Zwa Sumbe Zwa Tshivhidzo kha bodo, Tshedza tsho dzhena hani nga ngomu na uri Tshedza tsho bvela hani

nnda. Huno ndi a kholwa ni na izwo, khańwe, hafha huńwe fhethu; fhedzi zwi vhukati hashu, zwo diralo, ri a divha. Huno tshithu tshi mangadzaho, nga ḫuvha la u fhedza musi Tshikhathi tsha u fhedza tsha Tshivhidzo tshi tshi oliwa, heyi Khavhu khulu ya Mulilo (ine ya vha vhukati hashu) ya tsela fhasi vhukati ha vhathu vha mađana, huno ya Diisa murahu-rahu ha luvhondo lwa thebarenaakele. Huno henefho, phanda ha havha vha mađana, ya ola hezwo Zwikhathi zwa Tshivhidzo, zwi tshi swifhala na u vha na tshedza, kokotolo nga nđila ye nda zwi ola kha bodo. Lwa tshimangadz!

⁶⁸ Zwino, linwe ḫuvha, zwino ro no vha nazwo kha divhazwakale ya tshivhidzo...Kha yone—yone Bivhili, ḥwedzi u fanyisa “tshivhidzo,” huno ḫuvha li fanyisa “Kristo.” Ngauri ri wana uri kha Nzumbululo, ndima ya 12, musadzi we a vha a “tshivhidzo,” o wanala na ḥwedzi fhasi ha milenzhe yawe na ḫuvha kha thoho yawe, naledzi dza fumimbili kha khare yawe. Zwine, wone—wone mulayo wa Vhayuda vha kale Vha sa tendi wo vha u fhasi ha milenzhe yawe, o fhirela kha tshińwe tshedza tsha ḫuvha. *Naledzi dza fumimbili* ndi “vhaapostola vha fumimbili” vhe vha disa mulaedza kha rine, zwino, fhasi ha Muya Mukhethwa. Zwino ri wana uri ḥwedzi ngei mađadulu ndi wa u vhonadza tshedza tsha ḫuvha, musi ḫuvha li si ho. U ri neya—u ri neya tshedza tsha u kona u mona-mona. Fhedzi naho zwo ralo a u... Hu si na ndavha uri u vhonadza zwi ngafhani, tshi tshe tshedza tshi so ngo khunyelelaho, ngauri u khou tou vhonadza. Huno ḫuvha li penyela kha ḥwedzi, huno ḥwedzi wa vhonadza tshedza tshało musi ḫuvha li si ho. Fhedzi musi ḫuvha li tshi ḫavha, ḥwedzi a u tsha ḫodeya na luthihi.

⁶⁹ Huno ḥamusi Tshivhidzo tshi khou vhonadza Tshedza tsha Murwa wa Mudzimu a siho. Tshivhidzo ndi tshivhoni tsha Tshedza. Ngauri O ri, “Hu si kale huno shango a li tsha do Mmbona. Fhedzi vhoiwi ni do Mmbona, ngauri Ndi do vha ndi na inwi, na kha inwi, u swika magumoni a tshikhathi. Mishumo ine Nda ita,” Zwiedza zwe A zwi vhonadza. Huno a hu na Tshedza nnđani ha Ipfi la Mudzimu. Ho vha hu na...

⁷⁰ Helo ḫuvha ndi Ipfi la Mudzimu. U rangani, Mudzimu o ri, “Kha hu vhe na tshedza.” Huno musi Ipfi la Mudzimu lo vhonadzwaho, musi Ipfi la Mudzimu lo vhonadzwa, ho vha na tshedza. Tsha u thoma, Mudzimu o tshi amba. Miniharali tshi so ngo vhonadzea? Zwenezwo tsho vha tshi sa athu u vha tshedza. Fhedzi musi A tshi tshi amba, huno zwenezwo tsha vhonadzwa, u khwathisedzwa, Ipfi Lawe lo vha lo khwathisedzwa, tshedza tsha vha hone.

⁷¹ Huno ndi yeneyo nđila fhedzi ine zwi nga itwa zwino, ndi musi Ipfi lo khwathisedzwa, Ipfi la Mudzimu lo ḥwaliwaho lo khwathisedzwa, zwenezwo li sumbedza Tshedza. Ndi, tshipiđa tshi a fungwa, kana u vhetshelwa tshikhathi. Ri tshi wana kha

Zwikhathi zwa Tshivhidzo, ri tshi wana kha ya Kale—zwikhathi zwa tshivhidzo zwa Testamente ya Kale. Tshifhinga tshiñwe na tshiñwe tshine ha da tshifhinga tsha—tsha u vhonadzwa huñwe ha lwendo, hu vha na muporofita a no da kha lifhasi. Huno Ipfi li da kha muporofita, huno a ita uri Ipfi li tshire. Huno musi Ipfi lo taluswa, li vhonadza Mudzimu. Huno heneffo ha vha na—na tshikhathi, ha vha na Tshedza. Huno ndi yeneyo ndila ine Tshedza tsha bvelela ñamusi.

⁷² Zwino, a thi lwi na dinomineisheni na nthihi, vhathu. Fhedzi ndi na zweþhe zwine nda elekanya nga ha u lwa na maitele, ngauri o khakheya. Huno sisiteme ya u thoma u tutuwa, yo vha i—i sisiteme ya Roma ya tshone tshivhidzo tsha Katolika ya Roma. Heþo lo vha dzangano la u thoma le la vhuya la imiswa, ho vha tshivhidzo tsha Katolika ya Roma, Nicaea, Roma. U yela kha miñwaha ya madana mararu na fumbili—thanu murahu ha lufu lwa Kristo, 325, ho bvelela dzangano la tshivhidzo tsha Roma tshe tsha kuvhanganya vhathu nga tshawho nahone la bvisela kule tshiñwe na tshiñwe tshe tsha vha tshi tshi lwa naþo. Ndi heneffo he ra wana pfunzo dzavho dzi so ngo doweleyaho nahone la thoma heneffo kha ndila ya sisiteme kule na Ipfi. Huno zwino hetsho tshivhidzo, u bva tshenetsho tshifhinga, tsho vhonadza swiswi zwavhukuma, ngauri nga itsho tshifhinga ro pfukaho khatsho, zwine ra zwi vhidza, “Zwikhathi zwa Swiswi,” u yela kha miñwaha ya tshigidi. Zwi ñivheya kha vhoþhe vhadiþhi vha zwakale na matshudeni a Bivhili, na vhañwe vhanzhi, sa Zwikhathi zwa Swiswi, ndi zwiña musi tshivhidzo tsha Roma tshi tshi langa tshiñwe na tshiñwe.

⁷³ Huno hetshi tshivhidzo tsha Roma ndi “tshone—tshone mme a dziphombwe,” Bivhili yo ralo, kha Nzumbululo 17, “tshi tou vha phombwe, mme a dziphombwe.” Zwino, hezwo a si kutshilele kwone, kutshilele ku so ngo kunaho kwa musadzi. Vhoþhe vha a fana, zweþhe zwi a fana. Ngauralo arali—arali phombwe, i teya u vha musadzi. Zwo ralo-ha, ni limuwe uri a si, “phombwe,” fhedzi, “dziphombwe.” Ni a vhona? Tshi tou vha “ene,” vhuthihi, “phombwe.” Zwenezwo zwivhidzo zwi vhidzwa “dziphombwe,” vhananyana vha phombwe ya Roma. Ndi mme azwo zweþhe, mme a dzangano.

⁷⁴ Huno ndi zwithu zwi so ngo doweleyaho, uri kha lino duvha line ro fhira kha hezwi zwithu zweþhe, huno Mulaedza wo swikelela kha lifhasi u tshi lwa na dzangano, Wo lwa nazwo u bva kha tshaúla u ya kha tshamonde, hezwo, kha ino awara yo ambiwaho u bva 1933, musi Muya Mukhethwa u tshi nneya ayo mabono nahone a ntsumbedza tshifhinga tsha vhufhelo, zwithu zwa sumbe zwe nda amba ngazwo, huno zwiñanu zwazwo two no iteya kale, lwo khunyelelaho, heneffha; vhunga Germany na—na Italy na nndwa dzoþhe, na zwithu zwa lushaka (a si kanzhi a tshi amba na nne nga hezwo zwithu). Fhedzi zwo iteya kokotolo nga ndila ye A ri zwi do iteya ngayo. Uri Mussolini u do ya

Ethiopia, nahone Ethiopia i do wela kha nayo dzawe, na uri u do da hani kha zwi shonisaho, huno a seńwa nga vhatthu vhawé; huno a shoniswa, a nembeledzwa nthá ho sedza fhasi, na iyo phombwe ye a tshila nayo, tshiṭaraṭaní. Uri Vhaamerika vha do ya hani nndwani na Germany, vha do rwiwa lu ḥungufhadzaho fhethu hune ha vhidzwa u ralo, kha mutala muhulu hune ha do vha na luvhondo lwo fhaṭelwaho henefho, ndi a tenda uri i vhidzwa Mutalo wa Siegfried. Huno hu na muňwe u vhidzwaho Maginot, ndi a tenda uyo u ngei Fura. Izwo ndi zwone? Huno Mutalo wa Siegfried ndi mutalo wa Madzhamaika. Huno Murena vho ntendela nda vhona zwenezwo, miňwaha ya fuminthihi phanda ha musi u sa athu u fhaṭiwa. Huno a vha nga vhuyi vha ṭanganedza u rwiwa khawo, Vhaamerika a vha nga ralo, u swika vha tshi fhelelwa nga mmbi yothe. Musi vha tshi ya henefho, Madzhamaika o vha a na zwigidi zwo lugiswaho henefho nnda kha murango, huno zwi tendeleni zwi vhe henefho, vha ḥoda u i fhedza. Huno izwo ndo zwi vhona, miňwaha ya fuminthihi phanda ha musi mutalo u sa athu vhuya wa—u sa athu u vhuya wa shelwa mutheo, kana tshiňwe tshithu, Mutalo wa Siegfried. Huno na hezwi zwithu zwothe, vhunga mutshini na modorokara, na—na uri izwo zwithu zwothe zwo disa hani henefho fhasi kokotolo u ya nga he A amba, u swika musadzi a tshi vhusa luno lushaka, zwine, khanwe, ndi tshivhidzo. Huno zwenezwo vhufhelo ha swika.

⁷⁵ Zwino ri wana uri kha hezwi, hezwi zwithu zwothe na nga ndila ye nda lwa na dzangano, naa a si zwithu zwi mangadzaho urí mupapa wa Roma o ḥutshela Roma lwa u tou thoma a ya ngei murahu Yerusaléma? Huno nga u ita hezwi... Yerusaléma i ḥivhiwa sa tshivhidzo tsha kalesa shangoni.

⁷⁶ Musi Melkitsedeke a tshi ṭangana na Abrahamu a tshi bva u vhulaya dzikhosi, O vha a Khosi ya Yerusaléma, Tshifhe, we a vha a Kristo, ho vha hu Mudzimu; a hu na na muthihi ane a nga vha Melkitsedeke fhedzi Kristo Ene muňe, Mudzimu Ene muňe, zwavhudi-vhudí, ni a vhona, Mudzimu Ėne muňe, ngauri o vha a si na khotsi nahone a si na mme. Ni a vhona? Yesu o vha a na vhothe khotsi na mme, ni a vhona. Ngauralo hoyu Muthu o vha a si na khotsi, o vha a si na mme, a si na mathomo a mađuvha kana magumo a vhutshilo. Huno zwenezwo zwine A vha zwone, U kha di tshila. Huno O vha a Khosi tshila tshifhinga, ya Saleme, ine ya ḥalutshedzwa sa, “Khosi ya Mulalo, Shalom.” Khosi ya Yerusaléma, yo ṭanganaho na Abrahamu nahone ya mu neya veini na vhurotho, tshilalelo, murahu ha nndwa. Tshifanyiso tsha vhudi henefho kha Vhahevheru ndima ya 7, ri a zwi wana. Zwino, a mu neya vhurotho na veini murahu ha musi nndwa yo fhela. Vhunga A...

⁷⁷ Hetsho ndi tshithu tsha u tou thoma tshine ra do ita murahu ha musi ri tshi dzhena kha Muvhuso Muswa, ri do la nga huswa Nae Muvhusoni wa Khotsi, vhurotho na veini. “A thi tsha do nwa

mutshelo wa veini, kana u la vhurotho na luthihi, u swika Ndi tshi la na inwi, nga huswa, Muvhusoni wa Khotsi, nahone nga lenelo duvha.”

⁷⁸ Zwino, zwino ri wanulusa uri phanda ha musi Khosi Shalom i tshi dzhena kha...i tshi bva doroboni, zwenezwo mikhuwa ya dzhia ndango, ho no vha kale. Huno zwo dzulela u vha mikhuvhha u bva zwenezwo, fhedzi zwi fanyisa tshivhidzo tsha kale. Huno ro funzwa kha Testamente Ntswa, ni so ngo kundelwa u wana hezwi, kha Testamente Ntswa uri a ri vha ino dorobo ya Yerusalem, kha lifhasi, fhedzi ri bva kha Yerusalem Ntswa, i re nthia. Ngauralo hezwi zwi teya u vha nwedzi, Yerusalem, huno hu si Yerusalem Ntswa, i re nthia. Ngauralo nwedzi u fanyisa tshivhidzo, kha lifhasi.

⁷⁹ Naa a zwi mangadzi uri phanda ha musi mupapa a tshi fara lwendo lwa u ya Yerusalem, nwedzi kha matadulu wo swifhala lwo fhelelaho, maduvha matuku phanda ha musi a tshi lu fara, lwendo lwawe. U khou da fhano-vho, ni a divha, ni a vhona. Zwino izwo a zwi athu u divhiwa, ni a vhona. Fhedzi zwi sumbedza mini? Hezwo, hezwi, u khou ita hezwi u itela u wana vhuledzani vhunga o tangana nga duvha la murahu ha musi a tshi da Yerusalem, o tangana na tshigwada tsha Vha sa tendi tsha Tshigerika. Huno izwo zwi vhonadza mini? Vhuledzani, vha khou tqda Vhaphurosidente na vha zwa Vhukatolika vha tshi vha mirado nga tshawho, zwine vha khou ita nahone vha do zwi ita lwo fhelelaho. Huno Mudzimu a vhonadza hezwi kha riñe, kha nwedzi, nga u swifhala ho fhelelaho. Nga khathutshelo Yawe na tshilidzi...

⁸⁰ Naa muñwe wa vhoinwi o vhona gurannda he vha dzhiya zwifanyiso zwa nwedzi? Ndi nazwo hafha. Arali tshi si tshirene tsho khunyelelaho, tsho siyedza tshikhathi tsha vhusumbe tshirene a tshi athu u ralo, nga ndila nthihi kokotolo ye nda ola nga Muya Mukhethwa, Zwikhathi zwa Tshivhidzo. Khezwo zwa rathi zwa hone, tsha vhusumbe a tshi athu u fhela. Nyimela dza rathi dza nwedzi, u tshi penyesa kha tshikhathi tsha tshivhidzo tsha u thoma; wa vha swiswi kha tsha vhuvhili, tsha vhuraru, tsha vhuñu, tsha vhuñanu, na tsha vhurathi; nga ndila ye Muya Mukhethwa wa ntendela na i ola kha bodo, huno zwenezwo a i talusa na Ene muñe kha luvhondo lwa thaberenakele, miñwaha mivhili yo fhiraho. Nwedzi u ya divhonadza wone unę, huno saintsya dovha ya gavha tshifanyiso tsha zwenezwo, Zwikhathi zwa Tshivhidzo, vhunga vho gavha Tshedza nthia ngei nahone vha tshi isa kha Life Magazine, tsha u vulwa ha Mapfundo, a u dzumbululwa kha tshikhathi tsha muruñwa wa vhusumbe. Maduvhani a vhusumbe murumiwa wa vhusumbe, zwiphiri zwa Mudzimu, na zwiphiri zwegohe zwine zwo no vha hone kha zwikhathi, zwi do dzumbululwa, zwi do vhonadzwa, zwi do vha nga tshenetsho tshifhinga. Huno O zwi ita! Maipfi Awe ha kundelwi. Naa izwo a si zwithu

zwi mangadzaho? Mudzimu a tshi khou ola maṭadulu zwithu zwithihi zwe vha fara, Mudzimu muthihi o ntendela nda ola kha bodo, huno zwenezwo nga Ene muṇe. Hezwo ndi luraru A tshi khou zwi ṭalusa lwo khunyelelaho, huno phanda ha musi mupapa a tshi ya Yerusalēma.

⁸¹ Zwine, hetsho tsho vha tshi tshivhidzo, nwedzi ndi tshivhidzo, u fanyisa tshivhidzo. Huno phanda ha musi tshivhidzo, murunzi wa shango wo khethekanya nwedzi. Huno na murunzi wa zwithu zwa shango, murunzi wa zwithu zwa shango, tshivhidzo tsha shango, tsho swika kha u swifhadza Tshedza tshothe tsha Bivhili. Shango lo dzhena kha Tshedza tsha u vhonadza. Naa ni a pfectesa? Shango lo pfuka kha tshedza tsha nwedzi, huno la swifhadza duvha. Huno tshivhon tsha nwedzi tshine tsha khou teya u neya tshedza kha lifhasi, tsho swifhadzwa. Huno Wa da ngomu nahone wa ola zwifanyiso kokotolo unga Wo ralo, nga ṭhuthuwedzo, phanda ha musi zwi tshi iteya.

⁸² Zwino hezwo, ndi a tenda, Khaladzi Simpson, ho vha hu gurann̄a ya Tucson. A thi dīvhi arali Khaladzi Simpson a tshi dīvha... Ho ngo zwi pfectesa zwenezwo. A ri, “Ndo gera zwiñwe zwinepe ndi tshi itela iwe, na dziñwe notsi, u bva kha gurann̄a,” a zwi netshedza nne.

⁸³ Huno nda elekanya zwiñwe zwithu zwi so ngo doweleyaho. Nda dzhena ngomu heneffo nahone nda zwi dzhia, huno nda zwi lavhelesa, nda ri, “Khezwo heneffo, kokotolo, ni a vhona, zwithu zwe nda vha ndi tshi khou sedzana nazwo.” Huno zwe vha zwi heneffo kha gurann̄a.

⁸⁴ Khaladzi Simpson a nga ni vhudza uri zwi kha gurann̄a lifhio, arali ni tshi khou ḥoda khandiso yanga. [Khaladzi Simpson u ri, “Ndi Nyendavhusiku 28.”—Mudz.] Huno—huno o ri mini? [“Ndi khandiso ya madekwana a Nyendavhusiku 28.”] Khandiso ya madekwana a Nyendavhusiku 28.

⁸⁵ Ni a vhona, phanda ha musi a tshi ya Yerusalēma u thivha Tshedza tshaho, kana tswikelelo yeneyo ine ya vha nayo. Ndi tshifhinga-de, vhuimo, nahone ndi pfanelo dzifhio Tshi tshi teya u penya, zwino tshi khou Zwi tumukanya zwoṭhe, u itela tshikhathi tsha u fhedza, tshikhathi tsha tshivhidzo tsha vhusumbe hunewa ya kha u swifhala. Zwithu zwihiulu hani zwine Murena a khou ri vhudza. Kha zwithu zwoṭhe, A zwi kundelwi fhedzi zwine Mudzimu wa ṭadulu a zwi khwaṭhisidza nahone a zwi amba, lavhelesani khazwo, huno hafha o zwi ṭalusa na u zwi khwaṭhisidza, uri ndi Ngoho ya vhukuma.

⁸⁶ Swiswi, Tshikhathi tsha Tshivhidzo tsha Laodekia. Zwino musi Yesu, ane a vha Ipfi, kha Tshikhathi tsha Tshivhidzo tsha Laodekia o vha a nga nn̄da ha tshivhidzo, a tshi khou khokhonya muṇangoni, a tshi lingedza u dzhena ngomu. Swiswi, swiswi

litswu li kha vhatu. Naa Bivhili yo vha i tshi khou amba zwone? [Tshivhidzo tshi ri, "Amen."—Mudz.]

⁸⁷ U khunyelela ha Luňwalo, vhugala kha Dzina Ławę. U dala ha mupapa ho vha hu tshiga tsha zwivhidzo zwi tshi swifhadza tsho vhonadzwaho Tshawe... Tshedza tsho vhonadzwaho tsha shango ndi Bivhili. Yesu o ri U Tshedza tsha shango. Bivhili yo amba uri ndi Ene Ipfi. Huno lo vhonadzwaho, kana u khwařisedzwa, Luňwalo ndi Tshedza. Zwino a ni nga tendelwi u zwi ita musi hezwi zwi tshi iteya. Huno ri zwi vhona zwi tshi vhonadzwa, zwi tshi ambiwa nga ḥuθuwedzo phanđa ha musi zwi tshi iteya; zwi tshi dzula zwo sumbedzwa nga ḥwedzi, huno u tshi sumbedza uri zwi ḥo iteya, huno khezwi zwi khou iteya.

⁸⁸ Awara i kha rię, swiswi, swiswi litswu. Swiswi litswu li kha vhatu zwino, ndi zwenezwo. Izwo zwothe zwi amba mini? Ro ima gai? Ri kha awara ifhio? Ri tsini hani na u Vhuya? Zwo luga, ni ri, "Zwothe zwine vha vha nazwo ndi mvuseledzo."

⁸⁹ "Ni so ngo ofha, tshigwada tshięku, ndi lufuno lwa Khotsi anu u ni ḥeya Muvhuso." Zwo luga.

⁹⁰ Zwi amba mini? Mudzimu o thoma u fhandekanya Tshedza kha swiswi, ni a vhona, a tshi li sukumedzela murahu, vhunga O ralo u rangani, u sumbedza u ḥavha ha ḫuvha liswa. Zwikhathi zwa Tshivhidzo zwi khou fhela. [Mukomana Branham u dzudzanya ipfi lawe—Mudz.] Nkhangweleni. Zwikhathi zwa Tshivhidzo zwi khou fhela. Mudzimu u khou sukumedzela swiswi huňwe fhethu, zwi teya u ralo, u fhedza madzangano a tshivhidzo, u fhedza shango. Shango li khou tibedza hezwi zwithu, huno vhushango ho dzhia zwithu zwothe. Zwenezwo Mudzimu ha khou amba zwone? Nga zwithu zwa shango, na kuambarele kwa shango, na maitele a shango, na kutshilele kwa shango, ndi shango!

⁹¹ A ni vha shango, vhana vhaťuku. Ni vha Tađulu. Hafha a si Hayani hanu.

⁹² Ndi ngani ndi tshi teya u lavhelesa, kha rię vhatu vha hulwane, lingedzani u lavhelesa murahu nahone ni vhe muswa hafhu? Ri nga si zwi ite. Fhedzi ri khou lavhelesa phanđa, hu si u lavhelesa murahu. U lavhelesa hafha, zwo no iteyaho, huno ri khou ḥo u divha zwine zwa kha di ya u iteya. Huno ri khou lavhelesana na iyo awara, ri tshi gidimela khayo.

⁹³ Vhanzhi vha vhudi, vhatu vha vhungoho ḥamusi vho gavhiwa kha heyi mikhuvha, hezwi zwivhidzo na madzangano, "vha na tshivhumbeo tsha u ofha Mudzimu, fhedzi vha tshi landula Maanda," vhunga Timoteo ya Vhuvhili, ndima ya 3, i tshi ralo.

⁹⁴ Swiswi litswu, u pofula ha Isiraele, ho vha u itela u penyelwa ha Vhannda. Zwino u pofula ha Vhannda ndi u penyelwa ha Isiraele. Zwi tou nga ḫuvha na vhusiku; ḥinwe sia li na

swiswi, linwe sia li na tshedza; huno zwenezwo tshedza tshi da kha linwe sia. Žwo ralo-ha—nwedzi u khou fhira nga ndila ye wa ralo, huno u vhonadzwa ha swiswi la shango hu tshi pofudza tshedza tshawo, ndi tshivhoni kha riñe uri tshikhathi tsha tshivhidzo tsha Vhannda tsho fhela. Tshivhidzo tshi khou dilugisela, ndi kale tshi tshi khou dilugisela, ndi tshifhinga tsha u Takulelwā n̄tha. Ngauri swiswi li khou fhelela kha Vhannda, huno li do ḥavha hu si kale kha Vhayuda. Duvha lo tshimbila u bva Vhubvađuvha u swika Vhubvađuvha hafhu, he tsha thoma hone, Israele. Mudzimu o vha pofudza lwa tshifhinganyana, fhedzi lone—lone swiswi lo sukumedzelwa kha shango la Vhannda lo tibaho zwithu zweþe. Vhannda vha do kandekanya Yerusalem u swika tshikhathi tsha Vhannda tshi tshi fhela. Yesu o ralo. Huno zwino tsho fhela, swiswi l̄itswu li kha vhathu! Mudzimu u khou zwi vhonadza kha lutombo, vhunga O zwi sumbedza kha lifhasi phanda ha musi zweþe zwi sa athu u iteya. Ri khazwo.

⁹⁵ Vhathu vha vhudi vho gavhiwa kha zwenezwi zwithu, vhathu vha vhudi, vhathu vha vhungoho. Vhunga Maria na Yosefa, vho vha vha na vhungoho nga maanda, ni a vhona, vha tshi elekanya uri O vha a navho, ngeno O vha a so ngo ralo. Maria na Yosefa, ni a divha, musi vha n̄tha tshimimani, Yesu, a na miwaha ya fumimbili, vha elekanya, u humbulela, uri O vha a navho, fhedzi O vha a so ngo ralo. Vhathu vha vhudi ñamusi vha elekanya zwithihi, vha ralo, havha vhathu vho itaho dzangano kha Khoro ya Zwivhidzo, havha vhathu kha haya madzangano, vha—vha elekanya uri vha khou ita zwithu zwone. Vha khou humbulela uri U navho, musi vha so ngo ralo. Ni a vhona, vhathu vhanzhi vha elekanya uri U navho musi vha tshi khaðana na mureri na u ñwala dzina lavho kha bugu, fhedzi O vha a so ngo ralo. Vhathu vhanzhi vho elekanya, uri nge vha shashwa, vha rwelwa tshigando, vha lovhedzwa nga dzina la “Khotsi, Murwa, Muya Mukhethwa,” vha tshi elekanya uri O vha a navho. Ndi vhathu vha vhudi. Maria na Yosefa vho vha vhathu vha vhudi. Fhedzi mafhungo ho vha uri, O vha a siho henehfo! Ni so ngo humbulela tshitihu na tshitihhi.

⁹⁶ Tshedza ndi mini? Lo khwaþisedzwaho, Ipfi la Mudzimu lo ambiwaho! Nndani ha hezwo, a hu na Tshedza. Ni a vhona? Ni nga si vhonestshele lifhasi nga tshitaitai. Zwi dzhia Ipfi la Mudzimu lo vhonadzwaho, Murwa.

⁹⁷ Vho vha vha vhathu vha vhudi. Lavhelesani vhungoho ha Ipfi Lawe, uri Lo khunyelela hanî. Naa no limuwa zwe Maria a amba? Zwino kha vhoiñwi vhathu vha funeaho vha Katolika, a thi lwi na vhoiñwi. A thi lwi na vhoiñwi. Ndi sisiteme iné na

vha khayo. Huno vhoinwi Vhaphurositente, zwithu zwithihi. Ndi sisiteme!

⁹⁸ “Maria, mme a Mudzimu”? Wanani, Mutukana wa miñwaha ya fumimbili, wa murwa wawe ene mune, a teya u mu vheya ngnanani. A hu na tshifhinga na tshithihi kha Bivhili he Yesu a vhu ya a vhidza Maria “mme” Awe. O vha a si mme Awe. A nga vha hani mme a Mudzimu? O vha a tshi tou vha mbumbelo fhedzi ye A i shumisa u da kha lifhasi, uri a vhonadzwe kha lifhasi, nga kha mbumbelo. A hu na tshithu khae na luthihi, a hu na na Luñwalo na luthihi lwe lwa vhuya lwa ri “mme.”

⁹⁹ Dzhielani nzhele uri Maria o vha o khakha hani, fhedzi Ipfi Lawe lo khunyelela nga maanda. O ri Khae musi... O Mu wana thembeleni, a kha ya fumimbili, a tshi khou amba na vhorathiolodzhi. A vha kaidza, sa Mutukana wa miñwaha ya fumimbili; ho ngo vhuya a ya na tshikoloni, kana, arali zwo ralo, a ri na rekhodo yazwo. Fhedzi Mutukana wa miñwaha ya fumimbili a tshi sumbedza vhone—vhone vhañali thembeleni, nga vhañali Hawe. A ri, “Khotsi Au na nne ro U ḥoda ri tshi lila.” “Khotsi Au!” Mme ene mune, a tshi ḥoda uri, u ri, “Khotsi Au Yosefa na nne ro U ḥoda ri tshi lila.”

¹⁰⁰ O ri mini khae? “Kani a ni zwi ñivhi uri Ndi teya u vha ndi kha mushumo wa Khotsi Anga?” Arali O vha a kha mushumo wa Yosefa, ndi musi A tshi do vha a khou fhaña dzinndu, kana mavhengele a u vhaña. Fhedzi O vha a si murwa wa Yosefa. “Ndi kha mushumo wa Khotsi Anga,” a tshi khakhulula hedzi dzidinomineisheni na mikhuvha na zwithu zwine Nda zwi pfa. Ni a vhona? “Ndi kha mushumo wa Khotsi Anga.” Ho ngo vhuya a ḥanganedza uri Yosefa o vha a khotsi Awe. Fhedzi Maria o ralo, huno A rembulutshela murahu nahone a mu vheya ndilani.

A ri, “Khotsi Au na nne ro U ḥoda.”

¹⁰¹ A ri, “Ndi kha mushumo wa Khotsi Anga,” a tshi sumbedza uri Yosefa o vha a si khotsi Awe. Maipfi Awe o khunyelela, ni a vhona.

¹⁰² Fhedzi Maria na vhenevho, vho vha vha tshi khou tou zwi humbulela. Zwo luga, ni a vhona uri zwo vha zwi mini, o hwaleya. O—o mbo ralo... O vha a tshi khou ḥoda u sumbedza phanda ha hoyu tshifhe na zwiñwe uri—uri—uri o vha a musadzi o raloho. Huno a, nga u ita izwo, a kwashekanya mutheo phasi ha vhuñanzi hawe, murahu ha musi o ḥanziela uri Muruñwa o da khae, “Huno a ri, ‘Iwe u do vha muthu wa thovhele nahone wa beba Murwa, u sa ñivhi munna, Murwa o bebwaho nga musidzana tshipofu.’” Huno hafha phanda ha Sanhedrin, u ri, “Yosefa, khotsi Au hafha, na nne, ro U ḥoda.”

¹⁰³ Huno hoyo Mutukana wa miñwaha ya fumimbili a ri, “Ndi mushumoni wa Khotsi Anga.” A mu kaidza, “Hoyo a si Khotsi Anga!”

¹⁰⁴ Vhonani tshivhidzo ḥamus, tsho hwaleya nga dzikhoro na-na zwithu zwa shango, zwino wo swifhala. Mudzimu u khou mu kaidza!

¹⁰⁵ Yesu ho ngo vhuya a mu vhidza “mme.” Liňwe ḫuvha o da u Mu dalela mičanganoni Yawe, nduni i ngaho iyi. Muňwe muthu a bvelela, a ri, “Nnđa ha muňango hafha, mme Au na vharathu vho U lindela.”

¹⁰⁶ A ri, “Mme Anga ndi nnyi, vharathu Vhang? Ndi vho nnyi?” A lavhelesa kha vhafunziwa Vhaw, huno a ri, “Havho vhane vha ita lufuno lwa Khotsi Anga, ndi mme Anga, murathu Wang, khaladzi Anga, na zwinwe. Hezwo ndi zwine a vha zwone.”

¹⁰⁷ Kha tshifhambano, musi A tshi khou fa, O amba na Yohane, mufunziwa muňuku, A ri, “Vhona mme au.” “Musadzi, vhona murwa wau.” “Murwa, vhona mme au.” Ni a vhona, ho ngo vhuya a ḫivhidza, Ene muňe. O vha a si Murwa wawé. O vha a Murwa wa Mudzimu. O vha a tshi tou vha mbumbelo.

¹⁰⁸ Ino ndi nndu ano matsheloni, fhedzi a si Tshivhidzo. Tshivhidzo tshi kha inwi, Kristo. Muya wa vhafaho o dzulaho heneffo, u ḫangana fhethu ngei ḫađulu. Ndi Kristo, a si nndu. Nndu ndi ya vhuđi, i khou vuledza ndivho yayo, fhedzi i tou shumiswa sa fhethu ha u ḫangana hone. Maria o vha a tshi tou vha mbumbelo ye A i shumisa u da kha lifhasi, u ḫitalusa Ene muňe vhukati ha vhatu. A si “mme a Mudzimu,” vhunga na ino nndu i si Tshivhidzo tsha Mudzimu. Itou shumiselwa zwenezwo.

¹⁰⁹ Ee, zwino khonani nnzhi dzi elekanya nga u ralo, vhatu, vhatu vha vhuđi vha ngaho Maria na Yosefa, vha elekanya uri-uri U navho vha tshi ita hezwi. Fhedzi vhunga vho vha vho ralo zwiļa, vho ralo na zwino, vha kha phoswo. Vho elekanya uri vho vha vha Nae, fhedzi vho vha vha so ngo ralo. Fhedzi musi vha tshi lovhedzwa, vhatu vha nga vha vho elekanya, “Oo, ndo—ndo Mu ḫanganedza musi ndi tshi Mu dzhia nahone nda lovhedzwa.” A si hezwo. U swika Ipfi lo ambiwaho li tshi ḫivhonadza lone line!

¹¹⁰ Fhedzi, Vhanangiwa, ni ri mini nga Tshedza zwino? Ndo ambesa zwinzhi nga swiswi, nahone ndo fhedza hafu ya tshifhinga tshanga, hafu u bva kha iri ya vhufuminthihi. Zwino kha ri zwi rembuluse; swiswi litswu li kha vhatu, zwino ni ri mini nga Tshedza? O ri swiswi litswu li do vha kha vhatu, fhedzi hu do vha na Tshedza, “Vuwa, huno u vhone tshele, ngauri Tshedza tsho da.” Hu nga vha hani na swiswi na Tshedza, zwi tea u fhandekanya. Huno ndi tshithu tshithihi fhedzi tshire tsha zwi fhandekanya, Ipfi lo vhonadzwaho, li fhandekanya, Li zwi sukumedzela kha liňwe sia la... *Hafha ndi* swiswi kha lifhasi, fhedzi musi Ipfi lo vhonadzwaho la Mudzimu, ḫuvha, le la ambiwa uri li vhe hone nga Ipfi, li a disumbedza, swiswi li shavhela kha liňwe sia. Huno hezwo ndi zwine zwa khou itea zwino, swiswi li khou ḫifhandekanya na Tshedza. Zwino kha Tshivhidzo tsho nangiwaho tsha ino awara... Tshire, ri

nga dzula kha zwenezwo lwa dziawara, fhedzi ndi elekanya uri ndo no amba zwo edanaho u swika ni tshi pфesesa zwine—zwine Luñwalo lwa amba, musi ndi tshi ri, “swiswi li kha vhathu.”

¹¹¹ Zwino ndi ri kha Tshiyhidzo, “Shalom. Mulalo wa Mudzimu.” Mulalo! Muhevheru muñwe na muñwe wa vhukuma, musi a tshi tangana na muñwe, “Shalom.” Nga mañwe maipfi, “Matsheloni a vhudi! Mudzimu a vhe na inwi! Mulalo wa Mudzimu u tshimbile na inwi!” Ndi “Matsheloni a vhudi! Hu ita hani?” Duvha li khou tsha, Tshiyhidzo. Ndi swiswi kha vhathu, fhedzi ndi “Matsheloni a vhudi” kha Tshiyhidzo. Kristo u khou vhonala vhukati hashu. “Shalom. Mulalo.” Haleluya! “Shalom.”

¹¹² Musi ri tshi vhone swiswi li tshi kovhela, swiswi phanda ha musi li tshi tsha, ri a zwi divha uri naledzi masase yo nembelela nthia ngei u divhadza duvha li daho. Ndi, ndi zwenezwo hune naledzi masase ya penya. Ndi—ndi—ndi u khaukanya nga vhukati. Hu dzulela u vha swiswi phanda ha musi li tshi tsha, u swifhala hu a bvelela, nwedzi u ya kundelwa u vhonestshela. U swifhala huhulu phanda ha musi li tshi tsha, ndi ngauri tshedza tshi khou sukumeda swiswi. Fhedzi naledzi masase i a bvelela nahone ya ri, “Matsheloni a vhudi. Shalom.”

¹¹³ Ndi Ene onoyo vhukati hashu, Ipfi Lawe li khou taluswa. Shalom. Duvha luhulu li tsini na u tsha, musi matsheloni a tshi do tsha lwa u ya nga Hu Sa Pheli, u penya nahone zwa vhudi, musi vhanangiwa Vhawe vha tshi do kuvhangana hayani havho seli ha lutombo. Musi mbalo i tshi do vhidzelela ngei nthia, ndi do vha ndi hone. Madzina ashu a kha Bugu Yawe, ri do vha ri hone. “Shalom. Matsheloni a vhudi. Mulalo kha u vhe kha inwi.”

¹¹⁴ Swiswi li khou difhandekanya lone line kha Tshedza. Mudzimu u khou li ita uri li ralo, Tshedza tshi khou zwi ita. Ni a vhone, Tshedza tshi khou Dikokodza nga maanda u swika hune swiswi la kuvhangana lothe. Vho vha na tshikhala tsha u Tshi tanganedza huno a vho ngo zwi ita, ngauralo zwo dikuvhanganya. Huno vha ita hezwo nga u kuvhanganya tshiyhidzo, na Khoro ya Zwiyhidzo, na u tshi kuvhanganya na swiswi la u sa tenda. Ngeno vha sa tendelani na luthihi, fhedzi vha khou teya u ya u shumisana u ita uri vhusiku vhu de kha vhathu.

¹¹⁵ Yesaya 60:1 i ri, “Vuwa, nahone u vhonestshele, ngauri Tshedza tsho da kha iwe.”

¹¹⁶ Vuwa, nahone u vhonestshele, Tshedza tsho da. Ipfi, Tshedza, tsho khwathisedzwa hafhu. Tshedza tsho khwathisedzwa hafhu, Ipfi la Mudzimu, uri ni kone u vhone Mudzimu o vhoneadzwa kha pfulufhedziso Yawe ya Tshedza tsha duvha, kana Ipfi lo netshedzwaho kha tshino tshikhathi, ni a vhone, hedzi pfulufhedziso dzo itelwaho lino duvha, hedzi pfulufhedziso

dzo ambiwaho nga vhaporofita, na nga Yesu Ene mune. Kha lino ḫuvha! “Mudzimu, nga zwifhinga zwo fhambanaho...” Vhahevheru 1, “Mudzimu, nga tshifhinga tsho fhambanaho, nga ndila dzo fhambanaho o amba na vhokhotsi avho nga vhaporofita, fhedzi kha lino ḫuvha la u fhedza nga Murwa Wawe, Yesu Kristo.” Ni a vhona?

¹¹⁷ Tshedza tshihulu tshine tsha nembelela sogani tshe tsha vha tsho ralo, zwe Mushe a ḫutshela Egipita, o ḫonifha u nyadzwa ha Kristo sa lupfumo luhulu u fhira ulwo lwa Egipita.

¹¹⁸ Onoula Muthihi we a ḫangana na Saulo ndilani ya u ya Damaseka. Tshedza tshihulu tsho nembelela phanda hawe, tshiла Tshedza tshithihi, Khavhu nthihi ya Mulilo. Saulo, ene sa Muhevheru, o vha a nga si loshe munewe maya kana tshinewe tshithu, kana a tshi vhidza “Murena,” kha vhuimo he a vha a khaho. A ri, “Murena, ndi Iwe nnyi?”

¹¹⁹ A ri, “Ndi nne Yesu.” (Yesu o ri, “Ndi bva ha Mudzimu, nahone Ndi vhuyelala ha Mudzimu.”)

¹²⁰ Itsho Tshedza tshi fanaho tsho da. U ita mini? U vhonadza, u—u ḫivisa kha vhathe pfulufhedziso dze A ri itela kha lino ḫuvha, Tshedza tsho vhonadzwaho tsha ḫuvha. Swiswi lo swifhadzwa.

¹²¹ Musi A tshi da, O vha a Tshedza tsha ḫuvha. Mesia o vha a tshi khou tea u bveleta. Huno O da kokotolo sa zwe Mudzimu a amba uri U do ralo, uri u do da. Huno musi A tshi ralo, O vha a nnyi? Tshedza tsha ḫuvha. Huno Tsha sukumedzela swiswi uri li lwe Nae nga maanda! Naa izwo ndi zwone? O tea u neya Vhutshilo Hawe uri Tshedza tshi ise phanda, tshi penye. O vha a Tshedza tsha ḫuvha. Fhedzi ngani, ngani O vha a Tshedza tsha ḫuvha? O vha a Ipfi lo khwaṭhisidzwaho lo ambiwaho, lo vhonadzwaho. A zwi fhiri u...

¹²² Mudzimu o ri kha heli swiswi, vhutswu, nzwintzwimala, shango la guru le la ima hafha li si na tshedza, O ri, “Kha hu vhe na tshedza.” Huno tshedza a tsho ngo vha hone u swika helo Ipfi li tshi vhonadzwa, zwenezwo ha vha na tshedza.

¹²³ O ri, “Hu do da Mutshidzi, Mesia.” Na zwenezwo a zwo ngo vhonadzwa u swika A tshi da u vhonadza pfulufhedziso. Huno musi A tshi khwaṭhisidza heyo pfulufhedziso, O ri, “Tolani Maṇwalo, ngauri Khao ni elekanya uri ni na Vhutshilo Vhu Sa Pheli; huno Ndi Eneo ane a ḫanziela Nne.”

¹²⁴ Vho ri, “A ri ḫivhi hune Iwe wa bva hone, ri vhafunziwa vha Mushe.”

¹²⁵ A ri, “Arali no vha ni vhafunziwa vha Mushe ndi musi no Nndivha, ngauri Mushe o nwala nga Nne.” Ni a vhona? O vha a mbonalo. O vha a khwaṭhisidzo ya Ipfi lo ambiwaho la Mudzimu nga Mushe.

¹²⁶ Huno ɳamusi sa izwi ri tshi khou tshila khalo, Mudzimu o da vhuponi u khwaṭhiseda na u sumbedza pfulufhedziso Dzawe. Ngauralo, ndi Tshedza tsha awara, ngauralo ri nga vuwa nahone ra vhonestshela. Tshedza tsho ri penyela ɳamusi, Ipfi li khou vhoneadzwa. Ndi Tshedza.

¹²⁷ Vhunga itsho tshedza tshi tshi khou penya nn̄da hafho, u vhonestshela ha ḫuvha, ano matsheloni. Helo ndi Ipfi lo ambiwaho nga Mudzimu, a hu na tshiñwe tshithu tshire tshi nga ɳeya tshedza sa itsho. A hu na tshithu tshire tshi nga zwi kona. Tshiñwe tshedza-vho tsha lifanedza tshi duga zwiṭuku tsha dzima, na mavhone na zwiñwe zweṭhe. Fhedzi izwo a zwi kundelwi, ngauri ndi Ipfi lo ambiwaho la Mudzimu lo vhoneadzwa.

¹²⁸ Mikhuvha miṭuku ya zwa dinomineisheni i do thuthubisa livhone, huno ya thuthubisa livhone, huno ya tshinyadza fiyuse, na zwiñwe zweṭhe. Fhedzi Ipfi la Mudzimu a li nga vhuyi la kundelwa! Li do vha Lone line, tshifhinga tshoṭhe, Ipfi.

¹²⁹ Ndi khou ofha uri ndi khou ya u fhirisa tshifhinga zwiṭuku hafha. Kana, zwi do vha zwe luga u isa phanda huno nda fhedzisa uno mulaedza, zwe ralo? [Tshivhidzo tshi ri, "Amen."—Mudz.] Zwe luga.

¹³⁰ Vuwa, huno u vhonestshele, ngauri Tshedza tsho da kha inwi. Ipfi, Tshedza, tsho kwaṭhisizedzwa.

¹³¹ Ndila i yoṭhe, sa zwe Mudzimu o vha a zwone, Yesu Kristo o vha a mbonadzo ya Ipfi la Mudzimu lo ambiwaho, Tshedza tsha awara.

¹³² Yohane Mulovhedzi o vha a Tshedza tsha awara. O vha a Tshedza phanda ha musi Yesu a tshi vha Tshedza. Muporofita Yesaya o ri, "Ipfi la muhuweleli sogani, lugisani ndila ya Murena, huno ni kunakise ndila Yawe." Helo lo vha li Ipfi lo ambiwaho la Mudzimu, Lo vha lo dzula heneffho, lo vha li sa athu u da vhotshiloni. Maļiaxe, muporofita wa u fhedza, miñwaha ya madana maña phanda ha musi zwi tshi iteya, o ri, "Vhonani, Ndi do rumu murumiwa Wanga phanda Hanga, u lugisa ndila ya Murena." Hafha ha bva muñwe sogani, a si na dinomineisheni, a si na mikhuvha, a si na ḫaluso. Fhedzi Tshedza tshawe tsho mu ḫalusa. Ipfi lo mu ḫalusa.

Vha ri, "Ndi iwe Mesia?"

¹³³ A ri, "A si nne! Fhedzi ndi ipfi la muhuweleli sogani, 'Lugisani ndila ya Murena!'"

¹³⁴ Yesu o ri, "No tshimbila kha Tshedza tshawe." O vha a Tshedza tshi penyaho nahone tshi vhonestshelaho lwa tshikhalanyana. Nga mini? U swika ndila i tshi lugiselwa, zwenezwo Tshedza tshawe tsha dzima.

¹³⁵ Ni nga si tshimbile kha *hetsho* tshedza, vhoiñwi Vhabaphuthisi, *Hetshi* ndi Tshedza tsha awara! Tshedza tsho

da. Vuwa, huno ni vhone tshele. Ipfi, Tshedza. Ipfi, Ipfi lo vhone adzwaho la Mudzimu (lo ḥaluswaho) ndi Tshedza.

¹³⁶ Zwino mini-ha nga ḥwaha muswa we ra livhana nawo? Ri nga vha na zwinzhi zwine ri nga amba hafha vhukati, u bva kha swiswi u ya kha Tshedza, u ḥivhadzwa ha Tshedza hu bvelela vhukati, fhedzi zwino ri khou ḥoda u dzhena twii kha ḥwaha muswa. Zwo luga.

¹³⁷ Ḫwaha muswa, ḥwaha muswa, mini-ha ngawo? U disa fulufhelo liswa. Ro no vha tsini nga ḥwaha muthihi. Ri tsini nga ḫuvha lithihi u fhira mulovha. Ri tsini nga awara nthihi u fhira zwe ra vha ri zwone musi ndi tshi thoma, ya fumiṭhanu—miniti ya fumiṭhanu u ya kha iri ya vhufuminthihi, ndi ya fumiṭhanu u ya kha iri ya vhufumimbili. Ri tsini nga awara nthihi! A ri lavhelesi murahu, ri lavhelesa phanda. Ni a vhona? Oo! Ee, munye wanga. Ḫwaha muswa a u ambi u vula siatari liswa. Huh-uh. Hai.

¹³⁸ Vhunga muñwe munna nga manwe matsheloni; ndo zwi pfa. Munna o vuwa u ḫavhanya huno a ḫuwa a dzhia gurannda, a vhuya murahu, huno a dzula fhasi, a vheya milenzhe yawe kha ṫafula, a ambara mangilasi awe, a thoma u vhala gurannda. Mufumakadzi wawe, a nnda a tshi lugisa vhuragane, a ri, “John, tshinwe tshithu tshiswa-vho?”

¹³⁹ A ri, “Hai. Ndi zwithihi zwa kale, hu tou vha vhathu vhaswa.” Ee. Ndi zwone. Vhavhulayi, u tshipa na zwinwe zwothe, muñwe muthu o zwi ita, ni a vhona. Ngoho.

¹⁴⁰ A si u vula siatari liswa. Ndi, u vula Ipfi, ni vhone zwe Ipfila fulufhedzisa ḥamusi, ni vhone zwine Tshedza tsha ḫuvha tsha tea u vha zwone. Zwine ra fanela u ita kha uno ḥwaha muswa a si u humela murahu kha mikhuvhana zwinwe, u humela murahu kha dzidinomineisheni dza kale, a si u humela murahu kha dzidinomineisheni dza kale; fhedzi ndi u rembulutshela kha Ipfi, ni vhone uri ndi Tshedza-de tshire tsha teya u vhone tshele ḥamusi. Oo, tshividzo, rembulutshelani kha Ipfi, humelani murahu kha Ipfi, puṭedzani switshi yone, ḫutshelani u kwama zwiedza zwa mudagasi, ni a vhona, zwa mafanedza, zwo itwaho nga muthu. Rembulutshelani kha Ipfi ḫawenahone ni vhone pfulufhedziso ya ḥamusi. Huno zwenezwo ni vhone zwine pfulufhedziso ya vha zwone, nahone ni lavhelesa ḥaluswo. Musi i tshi khwathisedzwa, zwenezwo ni a ḫivha arali ni kha Tshedza kana hai. Vhonani zwine pfulufhedziso ya vha zwone.

¹⁴¹ U shandukisa masiatari kana u shandukisa khalenda a zwi shandukisi tshifhinga. Vhathu vhanzhi vha ri, “Zwo luga, ḥwaha wa kale wo fhira, ḫatani khalenda ya kale ya Nyendavhusiku huno ni vheye iñwe, ḥwaha muswa.” Hezwo, hezwo ndi zwine ḥwaha muswa wa amba khavho.

¹⁴² Kha nñe, ndi khou ḥoda u vhona zwo fulufhedziswaho kha linu ḫuvha. Ndi khou ḥoda u ḫivha uri Tshedza tsha awara ndi

mini, uri ndi koni u ɖivha uri ndi tshimbilisa hani khatsho. Ndi khou ʈoɖa u ɖivha hune nda khou tshila hone, tshikhathi tshire nda vha khatsho, vhukule vhune nda vha khaho ndilani.

¹⁴³ Vhunga Paulo o ralo, ndi nga ima nda zwi topola hafhu, “Ndi tshi hangwa izwo zwithu zwe fhiraho, zwino ndi gidimela kha luswayo, mbidzo khulwane,” kha thalusoye khunyelelaho, musi tshifhinga tshothe tshi tshi do fhelela kha u ya nga Hu Sa Pheli musi Yesu a tshi vhuya.

¹⁴⁴ Itani sa zwe Davita a ita, vheyani vhumatshelo hanu zwandani Zwawe. Ni so ngo lavhelesa kha tshinwe tshithu-vho, fhedzi vheani hanu... Davita hafha o ri, o ri—o ri, “Tshifhinga tshanga tshi zwandani Zwawe.” No zwi limuwa afha kha Dziphisalema he ra zwi vhala hone, kha 62, “Tshifhinga tshanga tshi kha tshanda Tshawe. Ndi ene tombo ḥanga.” Ndi Ene nnyi? “O dzumbululwa kha nne. Ndi ene Ngoho yo dzumbululwaho. Tshifhinga tshanga tshi zwandani Zwawe.” Amen. Oo, nne-nne! Khezwo heneffo.

¹⁴⁵ Tshifhinga tshanga ndi Tshawe. Ndi Wawe. Ndi tshandani Tshawe ngauri U fara tshifhinga. A thi ɖivhi zwine vhumatshelo ha fara, fhedzi ndi a zwi ɖivha uri U fara vhumatshelo. Ngauralo, Uyo Ane a fara vhumatshelo u fara nne. Ngauralo ngani-ha ndi tshi tea u elekanya nga u dzudzanya *izwi*, *izwo*, *zinwe* u itela ḥwaha muswa? Ndi sokou ɖivheya zwandani Zwawe, nda tshimbila sa zwe Davita a ita, “tshifhinga tshanga tshi tshandani Tshawe,” ndi a ɖivha uri Mudzimu o fara vhumatshelo. Davita ho ngo ɖivha uri vhumatshelo ho vha hu hani, fhedzi o zwi ɖivha uri Mudzimu u na vhumatshelo. A thi ɖivhi uri vhumatshelo ndi mini, a hu na na muthihi washu ane a ralo. Fhedzi ri a zwi ɖivha uri o fara vhumatshelo.

¹⁴⁶ U lindela. U lindela. Vhanwe vhashu ri a swika kha u ralo, vhanwe vhashu ri a dzhaya. Ndi elekanya uri vhatu vhanzhi vha vhudi vho ita zwenezwo. Ni swika kha—kha u dzhaya nga maanda. Ni khou ʈoɖa u ralo, ni a vhona, ni khou ʈoɖa u zwi ita nga inwi muṇe.

¹⁴⁷ Huno vharathu vha vhashumeli, ni a zwi ɖivha u bva hune nda khou amba hone, vho inwi no thetshelesaho kha ino theiphi. Ndi khou amba na inwi, hu si kha itsi tshivhidzo tshiṭuku hafha, fhedzi vhatu u mona na shango.

¹⁴⁸ Vhatu vhanzhi vha ya nn̄da, vha sa koni u lindela, fhedzi vha tshi tenda uri tshifhinga tshi tsini, ni lingedza u ita tshinwe tshithu ngomu hanu. Lindelani kha Murena. U lindela ndi maanda. Arali ni na u lindela, ndi maanda. Ndi maanda arali ni... “Havho vhane vha lindela kha Murena vha do vuseledzwa nungo dzavho.” A si havho vhane vha lingedza u ya phanda ha Murena, havho vhane vha lingedza u vhudza Murena, “Murena, ndi a zwi ɖivha uri U khou ʈoɖa ndi tshi ita *hezwi*, huno vhugala kha Mudzimu ndo...” Ni so ngo ita hezwo. Lindelani kha

Murena. Bivhili yo ri, "Havho vhane vha lindela kha Murena u do vuseledza nungo dzavho."

¹⁴⁹ Zwo dzhieila Mudzimu miñwaha ya zwigidi u vuledza pfulufhedziso Yawe ya u da ha Mutshidzi. Fhedzi, elelwani, O vha a tshi zwi ñivha tshifhinga tshoþhe, uri zwi ðo iteya lini. Ho vha na vhathu vhanzhi vho vuwaho huno vha lingedza u vha vhomesia. Zwivhidzo zwinzhi zwo lingedza u bveledza vhomesia. Fhedzi Mudzimu o vha a na tshifhinga tsho dzudzanyelwaho Mesia Wawe. O vha a so ngo dzhaya. Ni a vhona?

¹⁵⁰ Huno, nga tshifhinga tsha hezwi, O sumbedza tshaka nnzhi dla Mesia. O dzi sumbedza u bva kha Adamu u swika kha Mesia, Adamu wa u thoma na wa u fhedza; muñwe wavho ndi wa shango huno Muñwe ndi wa Taðulu, muñwe ndi wa kha lifhasi nahone Muñwe ndi wa Liðadulu, Muñwe o tsela fhasi a tshi bva Taðulu nahone muñwe o bva kha lifhasi. Fhedzi Mesia o fulufhedziswaho, O dzhia miñwaha ya zwigidi uri a zwi vuledze.

¹⁵¹ Zwo sumbedzwa kha Yosefa kokotolo zwe A vha a zwone. Yosefa o vhonadza Ene.

¹⁵² Davita o vhonadza Ene. Musi Davita a khosi yo landulwaho, a gonya n̄ha ha tshikwara nahone a lavhelesa murahu huno a lilela Yerusalēma, sa khosi yo landulwaho, hoyo o vha a Yesu kha Davita. Ho no fhela miñwaha ya maðana a malo, a imangei Yerusalēma sa Khosi yo landulwaho, a ri, "Yerusalēma, Yerusalēma, ndo u kuvhatedza hani sa khuhu i tshi ralo kha zwikukwana zwayo, fhedzi u si tende."

¹⁵³ Lavhelesani kha Yosefa, o bebwā vhukati ha vhakomana vhawē, vho khotsi; hu si wa u fhedzisela (tsini na wa u fhedzisela; Benyamini o vha a wa u fhedza), fhedzi murahu ha wa u fhedzisela, ni a vhona, murahu hazwo. A vhengwa nga vhakomana vhawē, a fuñwa nga khotsi awe. O vha a tshi vhengiwa ngauri o vha a muthu wa tshimuya. O vha a tshi kona u þalutshedza miloro, yo vha i yone kokotolo. O vha a tshi kona u vhona mabono, a amba zwithu zwine zwa ðo iteya. Huno vha mu vhenga. A rengiswa nga maseþa a furaru.

¹⁵⁴ Yesu vho vha vha tshi mu vhengela mini? Vho Mu vhidza Belesebulu ngauri O vha a Ipfi, huno Ipfi li a kona u þalukanya ngelekanyo dzi re mbiluni. Vho Mu vhenga. Huno vha Mu rengisa nga maseþa a furaru.

¹⁵⁵ O poswa mulongani, Yosefa o ralo, a vhonala sa o faho. Dzhasi yaye yo ðalaho malofha ya sala murahu, vhunga nguvho ya Yesu ye ya vha yo ðala malofha ye ya bviswa kha tshifhambano, nguvho ye A ambara, u þalusə lufu Lwawē. Fhedzi Mudzimu o ita mini kha Yosefa? O mu bvisa mulongani, a mu dzudza kha tshanda tshaula tsha Farao. Huno a hu na muthu we a vha a tshi nga vhona Farao, vho vha vha tshi vhona Yosefa fhedzi. Huno musi Yosefa a tshi þutshela pfamo, phalaphala dzo

lila nahone ndivhadzo ya itwa, “Magona othe a gwadama, Yosefa u khou bvelela.”

¹⁵⁶ Zwithu zwi fanaho, Yesu. O bviswa mulongani, heneffo he A vha a tshi dzhiwa sa o faho, nahone a takuswa huno a dzula kha tshanda tshaula tsha Vhuhosi. “A hu na muthu o no vhonaho Mudzimu, fhedzi Mubebwa a ethe wa Khotsi. Huno musi A tshi bva heneffo, phalaphala i do lila, nahone magona othe a do gwadama na ndimi dzothe dzi do buka.” Ni a vhona, Ndi ene Mukololo wa u bvelela. Lavhelesani zwe Egipita ya ita zwila, yo tshidza shango lothe, gomelelo la bvelela. Ngauralo, zwi do ralo kha u vhuya ha Murwa wa muthu. Magona, magona othe a do gwadama na ndimi dzothe dzi do buka Khae sa a re ene.

¹⁵⁷ O sumbedzwa hothe kha zwifanyiso, fhedzi Mudzimu o divha kokotolo uri U do da lini. O zwi divha kokotolo uri U do da lini. Hu si na ndavha uri vho vha na vhangana murahu ha hezwo, O vha a na Mesia Wawe. O vha sumbedza kha zwifanyiso, zwe zwa vha zwi tshi khou da.

¹⁵⁸ Vhunga O ri sumbedza kokotolo Zwikhathi zwa Sumbe zwa Tshihidzo, zwine zwa do da. Kokotolo zwe A ri sumbedza uri zwi do bvelela musi A tshi funga tshila Tshedza ntha hafho, kha nzumbululo yazwo, u sumbedza shango. Musi A tshi rumu Vharuňwa vha sumbe uri vha dzumbulule vharumiwa vha sumbe vhe vha vha vha fhasi heneffo, huno a sumbedza zwi salelaho, Muruňwa muňwe na muňwe a tshi da duvha liňwe na liňwe nahone a tshi dzumbulula zwo salelaho zwe Luther a sia, na zwe Wesley a sia, na zwe Pentekoste ya sia, zwe the zwe imelelwa ngomu heneffo. Huno kha tshifanyiso tshiňwe na tshiňwe na murunzi wa Shalom muhulu, Yehova, *Yahweh*. Ni a vhona? Kokotolo. O Zwi posa kha lutombo, huno u la mutshini wa Zwi dzhia tshirene. Ni a vhona? Ndi livhuwa Murena!

¹⁵⁹ Shalom! Mulalo! Ni so ngo neta, Yesu u fhano. Tshedza Tshawe tshihulu tsho da kha riñe, nahone ri a Tshi livhuwa, ee, Ipfi Ławé, tshipphiri tshihulu. U fhano namusi u khou divhonadza Ene muňe, a tshi ita zwithihi vhunga O ita zwila kale, zwithihi. A tshi ita zwithu zwithihi.

¹⁶⁰ Ri zwivhumbiwa zwa tshifhinga. Ene u Mudzimu wa u ya nga Hu Sa Fheli. Ri lingedza u dikombetshedza, ri lingedza u ita tshiňwe tshithu tsho fhambanaho, “Oo, *hezwi* zwi teya u itiwa.” Elelwani, U ya zwi divha zwe the. Zwi khou ya u iteya, nahonahwo ralo. Mu tendeleni a zwi ite. Itanu dínekedzela Khae.

¹⁶¹ Lavhelesani ntha, huno ni vhonetshele nga dakalo la Murena, u divha uri no vha wa mashudu, maňo anu o bonyolowa nahone a vhona lino duvha. Fulufhelani Khae u itela vhumatshelo. No Mu vhona a tshi khwathisedza Ipfi Ławé maduvhani o fhiraho. Uyo ane a khwathisedza Ipfi Ławé maduvhani o fhiraho nahone a ita uri hezwi zwiňwe zwithu zwe the zwi iteye kokotolo kha awara ine ra khou tshila khayo,

tshiňwe na tshiňwe kokotolo, kha Mulaedza wa muruňwa wa vhusumbe, o Zwi sumbedza zweþhe  adulu, kha liphasi, nahone a Zwi ita uri zwi ðivhiwe nga ndi a thara  uri hu sa vhe na phoswo, elelwani, O fulufhedzisa uri U do vhuya hafhu. Haleluya! He o Ipfi li do khwa hisedzwa. Ipfi la Mudzimu lo fulufhedziswaho, kha mi waha ya zwigidi zwivhili ya u lindela, U do swika nga tshifhinga! Ni so ngo neta, U do swika fhano. Vhunga O khwa hisedza Ipfi Lawe kha tshikhathi tshiňwe na tshiňwe, Zwikhathi zwa Tshivhidzo zwi sumbedza tshithu tshi fanaho, na u dzumbululwa ha Murena washu nga Mulaedza wa vhusumbe, na zwiňwe. Mudzimu a tshi khou zwi dzumbulula, a zwi vhonadza, nahone a zwi sumbedza. Huno ngomu vhukati hashu namusi, O disumbedza Ene mu e uri u fhano na ri e, na u sumbedza na u khwa hisedza Ipfi Lawe. Ngauralo U do ralo!

¹⁶² Hu do vha na Nwahagidi. Vhahulwane vha do vha vha uku heneffo lwa tsho e. Malwadze a do fhela nahone lufu a lu tsha do vha hone. Vha do fha a nn u, huno vha do dzi dzula. Vha do  avha muse wa ndirivhe huno vha la mitshelo wawo. A vha nga  avhi huno mu we a dzula (murwa wawe a zwi dzhia), murwa wawe u do vha a khou tshila nga ene mu e. Ha nga  avhi huno mu we a la, a fa huno mu we muthu a zwi dzhia; fhedzi u do tshila heneffo. Amen. Tarelo na ngwana zwi do la zweþhe. Huno ndau i do la matsinde a gorou vhunga mbohwana, nahone  wana u do dzi lisa u mona heneffo. Hu do vha na-hu do vha na khuthalo. Hu do vha na-hu do vha na-a hu nga vhi na tshithu tshi vhaisaho. Ri do shandukiswa u bva kha zwine ra vha zwone zwino, u ya kha tshifanyiso tsha vhugala tsha Murwa wa Mudzimu Tshine a tshi lovhi. Mi waha a i koni u Mu kwama, nyaluwo a i koni u Mu ita tshithu, U tou vha Murwa wa Mudzimu a sa fiho. Ngauralo ri a ðivha uri-uri ri tshifhingani tsha vhufhelio. Ri mafhandeni. He zi zwithu zweþhe zwo  aluswa lwo fhelelaho, ngauralo zwi do  aluswa hafhu.

¹⁶³ Zwino, vhumatshelo, O vhu fara. Ndi ðivha hani uri ndi lini hune A khou vhuya? Ndi lini hune A khou vhuya? A thi ðivhi, fhedzi U do swika fhano. Izwo ndi zwone. Ndi lini hune A do ita he zi na he zi? Ndi lini hune samba la do bva kha liphasi? Ndi lini hune idzi mbonalo dza vhu i dza lufuno lwa Mudzimu, dza miri yo ima afha nahone i tshi penya, na maluvha na zwiňwe, ndi lini hune zwa do aluwa zwi sa fi? A thi ðivhi, fhedzi zwi do ralo. Ndi lini hune u vhonadzwa ha mbilu dza vhanna dzi tamaho u tshila, na zwibadela na madokotela na miaro, na u lila na u tungufhala, zwi do guma lini, kha u vhusa huhulu na Yesu ha mi waha ya tshigidi ya Shalom? Ndi lini hune zwa do ralo? a thi ðivhi. O ri zwi do ralo. A thi ðivhi uri U khou ya u zwi itisa hani, fhedzi Ipfi Lawe lo ambiwaho li do kwâhisedzwa musi Duvha la U luga li tshi do  avha na phodzo kha phapha Dzawe. Huno tshipida tsha phodzo hafho a tshi nga vhi phodzo ya nama sa zwine na elekanya, sa uri mu we muthu u na vhulwadze huno

vhu do bviswa khavho. Hezwo ndi zwine A khou ita zwino, kha tshifanyiso. Fhedzi tshivhumbwa tshothe tshi do shandukiswa! Hezwi zwi faho zwi do ambara u sa tsha fa. Hoyu wa mađuvha u do thamutshela kha vhuswa. Amen. Zwo luga, zwi do vha hani? A thi ḥivhi, fhedzi zwi do vha hone heneffho.

¹⁶⁴ Ndi khou aluwa, nne mune. Uno ńwaha, arali Murena a ntendela nda tshila u swika kha dži 6 dza Lambamai, ndi do vha ndi na mińwaha ya futhanu-ńthanu, mukalaha. Fhedzi a thi khou lavhelesa kha... a thi ḥodi u humela murahu kha u vha mutukana hafhu. Ndi khou ḥoda u kombetshedza u ya kha ulwo luswayo nńha ngei, u itela ndivho ye nda ḥela yone. Ndi na mińwaha ya u yela kha ya furaru-mini zwino ndo ima murahu ha heyi desike, u bva kha mutukana muđuku wa mińwaha ya fumbili-mini, u yela kha ya fumbili-nthihi, mińwaha ya fumbili-mbili, ndo lingedza u ḥivhadza hoyu Mulaedza. Huno tshipiđa tshinwe na tshinwe tsha nungo dzanga ndo tshi isa Khawo. Arali mashada anga a ima na mavhudzi anga a tshena nahone a thuvhuwa, a thi lavhelesi murahu kha hezwo, zwi do vhuya khazwo hafhu. Ndi khou lavhelesa phanda kha u tsha ḥa duvha hune Ipfi la Mudzimu lo khwathisedzwaho la ri “na vhudzi na lithihi la ḥohyo yau a li nga lovhi, nahone Ndi do li vusa mađuvhani a u fhedza.” U khou ya U zwi ita hani? A thi ḥivhi. Fhedzi ndi fulufhela yone...

¹⁶⁵ Nwaha muswa, a thi ḥivhi zwine wo fara, fhedzi ndi a zwi ḥivha uri O u fara. Heļo ndi fulufhelo la ńwaha muswa line nda vha naļo. Arali A vhuya, Amen. Arali A si vhuye, ndi do isa phanda na u shuma arali A mponyissa. Ndi fulufhela vhumatshelo Khae. A thi ḥivhi uri ndi tshithu-de, ndi tou zwi fulufhela Khae. No Mu vhona a tshi khwađhisedza Ipfi Ławę, ngauralo ni a zwi ḥivha uri zwi khou ya u iteyta. Ipfi Ławę!

Ni ri, “Mukomana Branham, izwo u zwi wana hani?”

¹⁶⁶ Zwo luga, i ri ni ndi ni ńeye ngelekanyo lwa miniti. Naa ni a ḥivha uri mbila ndi mini? Ndi a zwi ḥivha uri ni a ralo. Ndi muzika, ndi litambwa. Ni a vhona, vha tou zwi tamba.

¹⁶⁷ Zwino, vhoiñwi vhana vhađuku, ngauralo ni do pfectesa. Ni a elelwa ngei—ngei tshikoloni, ndi a tenda ni na... Ila mbila thukhu ya Russia ndi tshithu-de, tshinwe tshifhinga vha—vha lidza ngoma, ni a ḥivha uri zwi vhidzwa hani, naa a si yone... u yela kha—kha tshinoni tsha mulomo mulapfu tshiduku, ni a ḥivha, hezwo zwi dzhena fhasi mađakani; huno vha vha na u pembela, vha tshi lidza ngoma na zwiñwe. Huno ni zwi pfa zwothe musi ni tshi ela kha muteshvetsindo, musi vha tshi i tamba. Ndo hangwa dzina la izwo, “Petro na Tarelo.” Hezwo ndi zwone, “Petro na Tarelo.” Zwino, hezwo ndi—hezwo ndi mbila ya Rassia. Ni a vhona, a vha ralo—a vha na zwiđuku—zwivhumbéo zwiđuku zwa u fhufha vha tshi mona, vha tshi zwi lidza, fhedzi vha zwi lidza kha ḥiromu [Mukomana Branham

u khokhonya kha linwe bulannga—Mudz.] huno zwenezwo [Mukomana Branham u khokhonya kha tshinwe tshithu-vho], huno a ita diromu na miungo na zwinwe. Li a zwi lidza, li a zwi tamba. Ngauralo, ni do pfectesa zwine Mukomana Branham a khou lingedza u amba. Ni a vhona?

¹⁶⁸ Zwino kha vhoiwi vhahulwane, Luñwalo ndi Mutevhetsindo wa Mudzimu. Ee. Haleluya. Mubveledzi fhedzi u divha zwine zwa tou amba zwone nahone U zwi dzumbulula kha havho who thetshelesaho, vha na dzangalelo la u divha zwine litambwa la vha zwine. Fhedzi ni do teya u ranga nga u divha mbila, ni a vhona. A zwi tou vha tshithu tshire na vhona fhedzi, ndi yone—yone tshanduko, u tumana ha Ipfi, la muzika. Zwi a posa; tshinwe tshifhinga zwi ya nga *heyi* ndila lwa tshikhalyana, kuñwe kulidzelenyana, ho no fhela tshifhinganyana zwa shanduka zwothe. Ndi mini? Kha vhoiwi vhane a ni nga Zwi pfectesi kana vha sa divhi tshithu Ngazwo, vha si na dzangalelo Khazwo, zwi tou vha u vilingana, ndi u tanganana. Fhedzi kha havho vhane vha divha nga Hazwo, vha khou Zwi lavhelela, vha ya divha uri Zwi khou da. Haleluya!

¹⁶⁹ Ngauralo ri na hezwi zwifhinga zwa mitevhetsindo ya Mutevhetsindo wa Ipfi la Mudzimu, hune litambwa lothe la shanduka. Vhoiwi ni si na dzangalelo, thetshelesani iyo tshanduko. Ni a zwi divha uri zwi khou sendela tsini. Ni pfa nga ndila ine ngoma ya khou lila ngayo, amen, ni khou tqda tshinwe tshithu tshi tshi iteya. Ni a zwi divha uri *heyi* ndi tshanduko, ni a vhona, zwi khou ya u thuthuba nga miniti i si gathi. Ni a vhona? Huno ni khou lavhelesana nazwo, ni a kona u amba nga ndila ine ngoma ya khou rwa ngayo. O Mudzimu! Arali ni tshi kona u pfa ngoma ya u fhedza zwino, arali ni tshi kona u pfa muungo wa muzika wa Ipfi la Tadulu li tshi diimbelela Lone line, "Huno zwi do vuledze ya maduvhani a u fhedza!" Mbiila ya litambwa lihulu la Mudzimu ine A khou tamba, tshimbila u Mu shandukisa, mbila Yawe mafhandeni. Mubveledzi na havho vha na dzangalelo, thetshelesani tshanduko. Ndi zwenezwo fhedzi hezwi zwithu zwi zwashu, ri khou thetshelesa, ri khou lavhelesa. Tshifhinga tshinwe na tshinwe tshire A vhonala, tshinwe tshithu tshi a itea, ri vhona tshifhinga tshi tshi khou sendela. Ri vhona murahu ngei a si kale musi izwo Zwikathi zwa Tshivhidzo zwi tshi olowa, ri khou thetshelesa. Ro zwi vhona uri zwo vha zwi ndilani na Ipfi, zwi tshi rwa na Ipfi. Ho no fhela tshifhinganyana, ho iteya mini? A bvelela henehfa, Ene muñe, huno a zwi khwathisedza.

¹⁷⁰ Ri pfa Ipfi li tshi ralo, uri, "Mađuvhani a muruñwa wa vhusumbe." Kha Tshikhathi tsha Tshivhidzo, O sokou ri, "Mulaedza wa muruñwa wa vhusumbe u do vha Mulaedza wa u fhedza." Huno zwenezwo, oo, ri wana ngei kha Nzumbululo 10, "Mađuvhani a Mulaedza wa muruñwa wa vhusumbe, zwiphiri zwa Mudzimu zwi do khunyelela," Pfundo la Vhusumbe li do

pfunululwa. Zwi do vha hone heneffo. Huno nga tshihadu, musi zwi tshi khou itea, ha bvelela bono, la ri, "Iya Tucson, phosho khulu i do itea nga hetshi tshifhinga uri u kone u pfectesa lwo fhelelaho na u divha uri zwo rumelwa. Zwo tou dzinginyisa lifhasi, tsini na u ralo." Vhoinwi nothe ni a divha nga hazwo. Zwi kha theiphi, miñwedzi murahu ha musi zwi tshi iteya. Zwenezwo zwa itea! Zwenezwo zwa bvelela kha lutombo. "Shalom!" Ndi mini? Ndi u shanduka ha kulidzele, yone mbila.

¹⁷¹ Zwenezwo tshiñwe tshifhinga O amba nga Mukokodzo wa Vhuraru, uri u do qisa hani nga heyi ndila, zwenezwo nga u divha mbilu, huno-ha ha tevhela Ipfi lo ambiwaho.

¹⁷² Yesu o ri, "Ni do ita zwithu zwihulu u fhira hezwi; ngauri Ndi ya ha Khotsi Anga." Yohane 4, "Mishumo ine Nda ita, na inwi ni do ralo u ita-vho; na i fhiraho heyi, ngauri Ndi ya Khotsi Anga." Vhunga ndo amba a si kale, musi Maria a tshi lingedza u Mu ɔalusa sa murwa wa Yosefa, O mu khakhulula. Maipfi Awe a nga si vhuye a kundelwa! O ralo, "Mañadulu na lifhasi zwi do kundelwa, fhedzi Maipfi Anga ha nga ralo."

¹⁷³ Musi ri tshi pfa mbila i tshi lila, i tshi shanduka, i tshi ɔoda u shanduka, ndi tshifhinga tsha u ɔangana. Ri a limuwa musi A tshi thoma u—u lidza, huno ro vhona, "Mishumo ine Nda ita, na inwi ni do ita-vho, huno ni do ita mihulu." "Mihulu," O zwi fulufhedzisa. Ri vhilaela uri zwi do ralo hani.

¹⁷⁴ Fhedzi no zwi limuwa musi A tshi ita madembe Awe a u thoma, O dzhia mañi huno a a shandukisa a vha veini. Naa izwo ndi zwone? O dzhia mañi, ane zwi khagala uri liñwe ɔuvha o vha a tshi nga vha veini, fhedzi o vha a mañi u rangani hazwo.

¹⁷⁵ Huno musi A tshi kanzwa zwigidi zwiñtanu, O ita mini? O dzhia tshithu tshe tsha vha tshi tshi nga mañi, O dzhia khovhe ye ya vhuya ya tala nahone ya bebwa u bva kha gumba, huno A i ñwatekanya, huno iñwe khovhe yo aluwa u vha tsiko ye ya vha i tsiko ya vhukuma. O dzhia vhurotho ho thomaho nga u vha gorou, nahone ho vha hu mbeu huno ha vha vhurotho, huno A ñwatekanya u bva kha hovhu vhurotho nahone tsiko ya tou engedzeye fhedzi.

¹⁷⁶ Fhedzi mañakani, ho vha hu si na tshithu heneffo tsha u sika tshisindi. "Kha zwi vhe hone," huno zwa vha hone, hu si na tshithu tsha u ñwatekanya u bva khatsho. Ndi mini? Yesu Kristo muthihi! Ni a vhona? "Zwithu zwihulu u fhira hezwi ni do ita, ngauri Ndi ya ha Khotsi Anga." Hu si u dzhia tshithu tsho sikiwaho, na tshi ñwatekanya huno na engedza tsiko, fhedzi u tou sika twii. Zwi tshi sumbedza uri Ndi ene Yehova a sa shanduki we a ima murahu ngei huno a ri, "Kha hu vhe na," huno zwa vha hone. Ipfi Lawe lo vha lo vphonadzwa! Musi A tshi itwa ñama kha lifhasi, O dzhia tsiko Yawe ya vhukuma, a i ñwatekanya nahone a i engedza. Fhedzi zwino kha ano maduvha a u fhedza, musi A tshi tsela fhasi vhukati hashu, Tshedza

tshithihi tshe tsha tsela fhasi, tsha ri, "Kha hu vhe na tshedza," ni a vhona, O tou amba tsiko ya vha hone. "Zwi fhiraho hezwi ni do ita, ngauri Ndi ya kha Khotsi Anga." Elelwani, ri kha hezwi zwifhinga.

¹⁷⁷ Huno shango a li pfesesi, ngauri, "Ndi tshigwada tsha maloto." Ngauri a si vha Methodisi, Vhamethodisi a vha Zwi pfesesi. Ngauri hezwi, a si Vhabaphuthisi, Vhabaphuthisi a vha Zwi pfesesi. Ngauri A si Katolika, Katolika a i Zwi pfesesi. Ngauri A si Pentekostała, Pentekostała a i Zwi pfesesi.

¹⁷⁸ Fhedzi havho vhane vha lindela kha Murena, havho vhane vha khou lavhelesa! A si muthu muthihi ane ra vha na divha zwa kale ya vhanwe vhalavhelesi, vhane vha divha iyo Naledzi yo fhiraho. Fhedzi vhaṭali vho vuwa vha I tevhela lwa maela dza madana, lwa miňwaha mivhili, vho I lavhelesa na u I tevhela. Ni a vhona zwine nda khou amba? A si havho vhane vha khou thetshelesa mbila.

¹⁷⁹ Elelwani, Mubveledzi u divha magumo a tshe mathomoni. U ya divha zweṭhe nga hazwo, ndi ngazwo A tshi nga zwi ዘවala hafha. Nga nđila yone. Zwino ni teya u thoma Ngae, ni tea u thoma. Arali ni tshi khou ታዳ u pfa vhuṭungu, ni thoma Nae vhunga kha muzika kha yone mbila. Ni a thetshelesa, ni a divha zwine wa amba, zwi khou ya u vha zwine mutevhetsindo wā vha zwone, zwenezwo ni thoma u thetshelesa kha muzika. Huno ni a divha uri ndi mini, ngauralo ni a divha uri ndi gai, "Hafha ndi hune tshithu *tshikene-tshikene* tsha iteya hone, zwino zwi khou teya u shanduka." Zwino, kha muňwe muthu-vho a sa divhi tshithu nga zwine vha khou...no sokou dzhena ngomu na ḥzula fhasi, tshi tou vha tshigwada tsha maloto, phosho i ungaho. Fhedzi hoyo ane a divha uri ndi mini, zwi tshimbila na muzika, zwa unga na notsi, zwi—zwi pfala na phalaphala, zwi lila na tshihwana, zwi lidziwa na violini, ndi—ndi kulilele kha beisi, zwi lidziwa nga phalaphala, ndi kulilele kha ngoma. Zwithu zweṭhe zwo ተጋናን ንdì muungo u fanaho, huno zwi vhumba lone—lone ስትምባዋ u swika ni tshi bonya maṭo aṇu nahone na dzula khālo. ጂልሬዩ!

¹⁸⁰ Muthu a nga bonya maṭo awe a faho kha u vhona ha lifhasi huno a tshila Vhuhoneni ha Yesu Kristo, musi ni tshi vhona Ipfi ሁዋ እኩ tshi lidzwa kha mbila khulu ine ra khou tshila khaho zwino, እኩ tshi shanduka. Ni teya u thoma kha Mutevhetsindo. Tshithu tshi tshoṭhe tshine ni nga ita arali ni kha Mutevhetsindo, zwenezwo ni a thoma, ni a thoma u dzhena kha muungo u fanaho. Ndi yeneyo nđila ine na ralo Mudzimu. A ni imeli thungo na lavhelesa khazwo. Ni dzhena kha muungo u fanaho Wazwo! Ni dzhena hani heneffo? Ni tou bebelwa Khazwo, kha muungo u fanaho wa Ipfi, musi ni tshi vha tshipida tsha helo Ipfi.

¹⁸¹ Ni teya u vha tshipida tsha mutshino uri ni be kha mutshino. Ni tea u vha tshipida tsha mutambo wa bola, tshithu tshine na vha na dzangalelo khatsho, uri ni dzhene kha mutambo wa bola.

¹⁸² Ni teya u vha tshipida tsha Ipfi, uri ni divhe Mbila ya Mudzimu. Mbila Yawe ndi musi i tshi khou tamba, ni a pfectesa, ni khou tshimbila na kulilele kwa tshifhinga. No i lindela, “Mishumo ine Nda ita, na inwi ni do ralo-vho; ni do ita i fhiraho na heyi,” haya maduvha a u fhedza. Oo, nne-nne! U shanduka huhulu ha tshifhinga. Ri dzhena kha kulilele, kulilele kwa Ipfi. Ri tea u wana ndivho Yawe, awara ine ra khou tshila khayo. Dzhenani kha muungo u fanaho wazwo, zwi itea hani...ndila ine A zwi ita ngayo. Arali na dzhena kha Ipfi, ni wanulusa uri O zwi ita hani u rangani, zwenezwo ni a divha uri U khou zwi itisa hani tshifhinga tshothe.

¹⁸³ O rumela hani Mulaedza Wawe, wa u thoma? U ita mini? Ha shumi na madzangano. Ho ngo vhuya a ralo, ngauralo Ha zwi iti na zwino. Ndi henefho, arali ni tshi khou thetshelesa muungo u fanaho wa Khorø ya Zwivhidzo, ni swiswini. Fhedzi arali ni tshi khou thetshelesa muungo u fanaho wa Ipfi!

¹⁸⁴ Yesu vho mu vhulahela mini? “Iwe, ngeno u Muthu, u diita Mudzimu.”

¹⁸⁵ No wana Mulaedza wanga wa *Tshaka Tharu Dza Vhatendi*. Muñwe u ima hani afho huno... Ho vha hu na vhatendi vha muhoyo, vho tevhela lwa tshifhinga tshilapfu, vha tshi ita u nga vha ya tenda. Huno linwe duvha Yesu a amba navho a ralo, a ri, “Ni do elekanya mini musi Murwa wa muthu, ane a bva Tađulu, o humelaho Tađulu? Ndi bva Tađulu, ndi humela Tađulu.”

¹⁸⁶ Ngani, vhanzhi vha ḥuwa, huno vha ri, “Haya ndi maambiwa a kondaho.”

¹⁸⁷ Zwenezwo ha bvelela vhatendi vha muhoyo vhe vha vha vha tshi khou tshimbila Nae, vha fusumbe, musi vha tshi wana tshithu tshi kondaho, a vho ngo zwi vhona uri tshi... a vho ngo divha Mbila. A vho ngo divha Pfulufhedziso, ya uri hoyu Nwana o vha a Yehova, “Dzina Ławé u do vhidzwa Mulanguli, Mukololo wa Mulalo, Mudzimu wa maanda.” Huno musi A tshi ri, “Musi Ndi tshi gonya Tađulu hune Nda bva hone!”

¹⁸⁸ “Zwo luga,” vho ri, “haya ndi Maambiwa a kondaho. Ndi nnyi ane a nga Zwi pfectesa? Ri a zwi divha uri U Muthu. Ri la na Iwe, ri edela na Iwe, ri na Iwe madakani, ri ya madini na Iwe. Zwo luga, U tou vha Muthu, huno uri Murwa wa muthu u humela murahu ngei n̄ha hune A bva hone? Ni do ri mini? Haya ndi Maambiwa a kondaho!” Ni a vhona, a vho ngo divha kulilele. A vho ngo divha muungo wa Mbila ya Ipfi la Mudzimu, uri O vha a Mudzimu o vhonadzwa namani, ngauri O vha a—a Tshedza tsha Ipfi tsho khwathisedzwaho tsha awara. A vho zwi pfectesa. Vho ri, “Hezwi ndi Zwithu zwi kondaho. Ndi nnyi ane a nga pfectesa

Izwi?" Huno vha rembulutshela kule. A vho ngo ḥivha kulilele, ni a vhona.

¹⁸⁹ Zwino ri limuwa hafhu, ho vha hu na Yudasi, mutendi wa muhoyo, kana mudziausatenda, we a lindela u swika a tshi wana mulandu. Zwenezwo A rembulutshela kha vhafunziwa, a ri vha fumimbili fhedzi, nahone Yudasi o vha a muñwe wavho, A ri, "Ni khou ṭoda u ṭuwa, na vhoinwi-vho?"

¹⁹⁰ Zwenezwo Petro a ri, "Ri ḥo ya kha nnyi, Murena? Ni iwe Mubveledzi." Amen. "U ya ḥivha uri zwi khou tshimbila hani. Ndi Iwe fhedzi ane a vha na Ipfi ṭa Vhutshilo. Ri ḥo rembulutshela gai? Ri nga si humele murahu kha Vhafarisei, kana Vhasadukei, kana Herodieni," kana tshini na tshini. "Ndi Iwe ane a vha na Ipfi ṭa Vhutshilo. A ri na huñwe fhethu hune ri nga ya hone. Ro ralo, ro ḫiita miraḍo na Vhatshini vhahulu. Ri fhano, ri khou thetshelesa, nahone ri kha muungo u fanaho. Ri a tenda uri Iwe u Murwa wa Mudzimu, Yehova o vhonadzwaho. Ri na vhuṭanzi ha hezwi! A ri ḥivhi uri iyi milingo mihulu na dzikhakhathi, na maṭhupho na zwiñwe, huno U khou ri U khou 'gonya n̄tha u nekedzwa,' na hezwi zwoṭhe, hezwo, na zwiñwe, huno 'nga ḫuvha ṭa vhuraru,' hezwi zwithu zwoṭhe. Izwo a ri zwi pфesesi. Fhedzi ri ngomu, thetshelesani Mbila ya Mudzimu, ri tshipiḍa tshayo. Huno ri khou lindela u vhona zwi no tevhela u ḥo itea, nahone ri khou tevhela tsini na Iwe." Oo, n̄ne-n̄ne! Hezwo ndi zwine nda teya u ita. Pfulufhedziso.

¹⁹¹ O thomisa hani? Sa zwe A ita u rangani. Ni a vhona? Ho ngo vhuya a rumela Mulaedza Wawe kha dzangano. Ho ngo vhuya a rumela tshigwada Tshawe Mulaedza, O ruma muthu muthihi. Mađuvhani a Noaxe, ho vha hu Noaxe. Mađuvhani a Mushe, ho vha hu Mushe.

¹⁹² Ho vhuya ha vha na kuñwe kuhumbulele tshiñwe tshifhinga, he vha ri, "Zwo luga, u ḥo ḫiita muthu mukhethwa u woṭhe kha tshigwada." Mudzimu o lavhelesa fhasi kha zwenezwo.

¹⁹³ Mushe o ya kha Murena, "Ndo ita *hezwi*. Mini—ndi tea u ita mini?"

¹⁹⁴ O ri, "Difhandekanye khavho. Ndi ḥo londota zwiñwe zwoṭhe. Ndo u ruma. Ndi vhuḍifhinduleli Hanga." Huno A vula lifhasi huno a mila Kora na tshigwada tshoṭhe. Tshifhinga tshoṭhe.

¹⁹⁵ Yohane na Yesu vho vha vha nga si vhe hone nga tshifhinga tshithihi. Yesu... Musi Yohane a tshi lavhelesa n̄tha, o ri, "Zwino ndi teya u tsela fhasi, U teya u hula. Ndi ene Tshedza tsho khwaṭhisizedzwaho." Ngauralo na tshino Tshedza tshi ḥo tshimbila u swika a tshi wana u khwaṭhisizedza ho khunyelelaho hu tshi bvelela. Ndi zwone. Ndi zwone.

¹⁹⁶ U nga ndila ye A vha a ngayo u rangani. Ni thoma nga yeneyo ndila, ndila ine na thoma guda zwe Mudzimu a vha a zwone.

O ita mini musi A fhano kha lifhasi? O tshila vhutshilo-de? O tenda, naa O vha a Mu ḥungunudzi? Naa O ya kha madzangano? O dītalusa hani Ene mune? “Tolani Mañwalo! Ni elekanya... Khao ni elekanya uri na na Vhutshilo Vhu Sa Fheli, huno Ndi Eneo ane a ḥanziela Nne.” Ni a vhona, ndi tshithu tshi fanaho namusi kana tshiñwe tshifhinga-vho. Musi ni tshi khou ḥoda Tshedza, vhonani zwine Luñwalo lwa amba u itela ino awara. Zwo luga.

¹⁹⁷ Ni thoma gai, zwenezwo? Arali hu na muitazwivhi hafha, ni thoma kha tshifhambano musi ni tshi dielekanya sa o faho Nae. No dzhena ngomu heneffo kha—kha litambwa lihulu. Ni khou thetshelesa, zwenezwo, ni khou lavhelesa kha bammbiri lañu musi no li fara tshandani tshanu, hone—hone—hone Mbila. Ni—ni na bammbiri tshandani tshanu line la do ni vhudza hezwi zwithu, hune tshanduko ya muzika ya thoma u zwi lidza, zwenezwo ni a vhona uri mutambo ndi ufhio. Musi ni tshi vhona Muya wa Mudzimu u tshi wela kha vhatu nahone wa ita zwithu zwo raloho, ni lavhelesa murahu nahone na vhona hune zwa vha hone. Ni vhone arali zwi zwenezwo, arali hetsho tshi tshithu tsha ñamusi. Nga mini, vho vha vha na bammbiri tshandani tshavho musi Yesu a tshi da, la Mbila. Zwo tou ralo, vho ralo.

¹⁹⁸ Naa ndi khou amba iło ipfi nga ndila yone, mutevhetsindo, mbila? Ndi fulufhela nga u ralo. Ngauralo nda thoma u elekanya ngazwo. Mutevhetsindo? [Muñwe muthu kha tshivhidzo u ri, “Mutevhetsindo.”—Mudz.] Mutevhetsindo. Ndi zwone? Zwo luga.

¹⁹⁹ Zwino, vho vha vha na bammbiri tshandani tshavho, fhedzi ho tea u ita mini? Vho vha vha tshi khou lingedza u lavhelesa murahu kha kulilele kune kwa vha na zweþe... tshipiða tsho vha tsho no tambiwa. Hezwo ndi zwine zwivhidzo zwa ita ñamusi. Vha lavhelesa murahu, vha vhona uri ndi tshifhio tshipiða tshe Luther a tamba; Vhaluþere vha ralo. A vha ðivhi u shanduka ha muzika. A vha ðivhi zwine Mudzimu a khou ita ñamusi musi A tshi ita hezwi zwithu, Vhaluþere. Vhapentekoste vha ri, “Oo, ro Zwi wana.” Ni na bammbiri lo tambiwaho miñwaha ya fuþhanu yo fhiraho. Ni a vhona? Zwo tou ralo. Kha ri fare heli Ipfi zwandani zwashu, huno ri lavhelese musi tshanduko i tshi da, zwenezwo ri do ðivha zwine ra khou ita.

²⁰⁰ Zwino, thomani Nae kha tshifhambano: “Rembuluwani, huno ni lovhedzwe nga Dzina la Yesu Kristo, u itela u hangwelwa zwivhi; huno ni do ḥanganedza Muzika, Vhuyo,” ni a vhona, “Ipfi Lawe, Muya Mukhethwa we wa vhonadza Ipfi.” Zwenezwo ni tshi tevhela na muungo u fanaho wa ya Ipfi. Tshiñwe na tshiñwe tshine tsha vha kulilele kwa Muzika kwa iyo awara, lilani Nawo. Ni a vhona?

²⁰¹ Vhatu vhanzhi vha ya vhudzisa, “Ndi ngani?” Vha ya vhudzisa. Vha ya vhudzisa, tshiñwe tshifhinga vha ya mmbudzisa, “Ndi ngani? Ndi ngani izwi zwithu zwi tshi teya u

iteya? Mini, ngani, ndi ngani *izwi* zwo iteya kha nne? Ndi ngani ndo thoma nahone *izwi* zwa iteya, huno ndi—ndi na *heyi* thaidzo hafha, huno *hezwi* zwi a ntsinyusa hafha, huno ndo xedza *hezwi* hafha?”²⁰²

²⁰² Zwiñwe zwifhinga ndo vhudzisa, “Ndi ngani?” Ndi ngani, musi ndi tshe mushumeli muñuku, ndi tshi kha ñi tou bva u thoma, naa Mudzimu o dzhia mufumakadzi wanga fhasi hanga, a dzhia lushie lwanga fhasi hanga, fhasi ha mbilu yanga? Ndi ngani O zwi ita? A tho ngo zwi ñivha. Ndi a ralo zwino. Ndo sokou farelela tshanda tshanga kha Tshawe huno nda isa phanda na u fulufhela.

²⁰³ U ya ñivha mafhande oþhe. U ya zwi ñivha uri muungo u fanaho u tea u ralo... musi zwi tshi iteya. U ya ñivha uri hu ñodeya mini u ni vhumba, U ya ñivha uri ndi zwishumiswa-de zwine A khou ya u shumisa. Ni a vhona? Murahu ha soga zwiñwe zwifhinga, hune Mudzimu a vhumba vhanna vha u luga vha kale na vhaporofita. Ni a vhona? Ni a vhona? Ndi henehfo hune vhanna vha tshaeliwa. Vhanna vha a tshaeliwa, kha Ipfi. Musi vha tshi wana mikhuvha yo fhambanaho na zwithu khayo, vha litsheni vha de kha Ipfi huno Mudzimu u a zwi tshaelia zwa bva khavho, a zwi vhumba zwa vha Hezwi, zwa vha Mutevhetsindo muhulu, wa Ipfi Lawe. Ni a vhona? Huno zwenezwo vha vhona Ipfi li tshi ya phanda.

²⁰⁴ Mudzimu u ya ñivha uri ndi lini hune muungo u fanaho wazwo wa tea u shanduka. U ya ñivha uri muungo u fanaho u itisa hani. A thi ñivhi uri i itisa hani, fhedzi U ya ñivha. U ya ñivha uri i itisa hani, a thi ralo. Fhedzi ndi a lavhelesa khayo hafha, huno nda ri, “Zwo ralo, i khou ña.”

²⁰⁵ “Manzhi ndi mathupho a vha vhuya, fhedzi Mudzimu u vha phulusa khao oþhe.” Ni a vhona? Mudzimu o tshimbila kha ñivhazwakale na muungo u fanaho wa pfulufhedziso ya Ipfi Lawe, kha tshikhathi tshiñwe na tshiñwe, kha muungo u fanaho, a tshi ita Ipfi Lawe. Mudzimu o tshimbilisa zwenezwo kha ñivhazwakale, ndilani yoþhe u bva kha Genesi u swika kha Nzumbululo, O tshimbila kha ñivhazwakale na Ipfi Lawe. Ndi zwone, na muungo u fanaho wa—wa maanda a Muya Mukhethwa u tshi khwaþhisidza Ipfi Lawe kha Vhanangiwa. Elelwani, Ha athu u vhuya a kona u kwama tshivhidzo tsha nga nnnda. Ndi Vhanangiwa fhedzi.

²⁰⁶ Lavhelesani kha avho vhotshifhe, vho ri, “Hoyu munna ndi Belesebulu. U tou vha mungome. Nga mini, U—U—U khou vhala mihibulo yavho.”

²⁰⁷ Vho ñivha zwiñuku, “Ipfi li fhira banga la mutshea hoþhe, ndi lone muñalukanyi wa ngelekanyo dzi re mbiluni.” Huno O vha a Ipfi.

²⁰⁸ Fhedzi heyi phombwe ñukhu ye ya vha yo ñiimela tshisimani liya ñuvha, uri i wane bakete la maði, o ri, “Ndi a

talukanya uri U Muporofita. Ri a zwi ḋivha uri Mesia u khou ḍa. A ri athu u vha na vhaporofita lwa miñwaha ya madana, fhedzi ri a zwi ḋivha uri Mesia u khou ḍa. Huno musi A tshi ḍa, hezwo ndi zwine A khou ya u vha zwone.”

²⁰⁹ A ri, “Ndi Nñe.” Hezwo zwe vha zwe edana. Nga mini? Muungo u fanaho wo lila zwone! O vha a tshi khou lavhelesana na heyo tshanduko, u bva kha tshivhidzo tsha dinomineisheni u ya kha Mesia o khwañisedzwaho. Huno O ima heneffho, Mesia we Mushe a amba ngae, “Murena Mudzimu wañu u ḍo vusa Muporofita a ngaho nñe.” Khoyo Ene heneffho. Muungo u fanaho wo shanduka, Mbeu yo khwañisedzwaho yo Zwi limuwa.

²¹⁰ Huno musi Ipfi la vhukuma la Mudzimu li tshi wela kha zwe khwañisedzwaho, kha Mbeu, huno vha vhona uho u khwañisedzwaha ha Ipfi, vha a Li limuwa. Vho lavhelesa kha Ipfi, vha ya ḋivha mafhande, vha a ḋivha tshifhinga, vha a ḋivha tshanduko, vha a ḋivha kulilele kune kwa teya u ralo kha yeneyo awara. Hañeluya! Vha ya ḋivha kulilele, vha ya ḋivha tshifhinga, vha ya ḋivha uri zwi teya u vha nga ndila-de. Ni a vhona, ndi Vhanangwa fhedzi vhane vha Zwi ḋivha.

²¹¹ Musi Filipi a tshi zwi vhona, ho ngo kona u zwi imela a tshi ya phanda, o zwi ḋivha uri uyo o vha a Mesia. Ngauralo a ya kha muñwe, vho vha na ngudo ya Bivhili nga tshawho. “Nathanaele,” a ri, “ida, u vhone Munna. Ida, u vhone zwe ra wana, ro wana Yesu wa Nazareta. Ro wana Yesu wa Nazareta, hoyo ndi Muporofita we Mushe a amba ngae uri u ḍo ḍa. Ro Mu wana. Ro Mu wana.”

²¹² A ri, “Zwi nga vha hani? Ndo tou . . . O vha a gai?” Ni a vhona, o vha a so ngo ralo . . . Ni a vhona, ho ngo ḋivha muungo nga ndila yo fhelelaho. Vho vha vha tshi khou guda. Fhedzi musi a tshi swika heneffho, a mu vhudza, a mu divhadza Ipfi.

²¹³ Huno musi a tshi swika heneffho, Yesu a ri, “Vhonani Muisiraele,” muungo wa thoma u farelela, litangwa lihulu lo vha li tshi khou tambiwa nnnda heneffho kha pulatifomo, kana luvhandeni, nga ilo duvha. Khanwe Yesu o ima kha tombo, a tshi amba na vhathu. Huno musi Filipi a tshi bvelela na Nathanaele, A mu lavhelesa, huno a ri, “Vhonani Muisiraele, ane khae a hu na mulandu.”

A ri, “Mufunzi, Wo nnđivha lini?”

²¹⁴ A ri, “Phanda ha musi Filipi a tshi u vhidza, musi u fhasi ha muri, Ndo u vhona.” Oo, nñe-nñe!

²¹⁵ O vha a tshipida tshazwo! O ri, “Iwe u Murwa wa Mudzimu! Iwe u Khosi ya Isiraele.” Ngazwo zwe—zwe kulilele kwa shango kwa vha zwone, na minyanya yavho yothe ine vha vha nayo ya—ya zdzidinomineisheni, iyo yo vha i si Mbila khulu ya Mudzimu. Amen. O ri, “Iwe u Khosi ya Isiraele! Khezwo Ni heneffho! Ndi a zwi vhona. Ndi a zwi ḋivha.” Ndi ngani? O vha a Munangwa.

Mbeu yo Nangiwaho i ya zwi ḋivha. Zwi dzulela u ralo kha tshikhathi tshiñwe na tshiñwe, uri vha zwi ḋivhe.

²¹⁶ Ni ri, “Fhedzi, Mukomana Branham, mini-ha nga mme anga na baba, mini-ha nga vhathu vhanga, mini-ha nga dinomineisheni yanga, mini—vha do ita mini? Vha do nthahela nnnda. Naa zwi...” Arali ni sa ḍo kona u lavhelesa phanda, lavhelesani n̄ha. Ni so ngo lingedza u lavhelesa phanda, naho zwo ralo, vheyani tshanda tshanu kha Tshawe. Mu tendeleni a ni range phanda. Lavhelesani n̄ha, ni so ngo lavhelesa phanda. Ni ri, “Nga mini—nga mini, vhañwe vha swaswa nga n̄ne nga mavhudzi anga malapfu, na uri n̄ne ndo bvula zwiambaro zwipfufhi, na uri ndo ṭutshela tshividzo.” Huh! U tambulela Dzina Lawe ndi u engedza vhuṭungu ha tshilidzi Tshawe. Ee. U tambulela Ipfi Lawe, ni a vhona, ndi u engedza vhuṭungu ha tshilidzi Tshawe. Ee, muñe wanga! Itanu ezelwa, ndi tshilidzi tsha Mudzimu tshe na tshi netshedzwa. Oo, n̄ne-n̄ne!

²¹⁷ Vhunga Paulo o ri, hałeluya, u na maṭungu, tshiñwe tshithu tsho vha tshi tshi khou mu thithisa. U ḍo ralo... Diabolo u ḍo ralo—u ḍo mu thathabisa, vili nga vili. Huno a vhudzisa Murena, luraru, uri a zwi bvesele kule nae, a ri, “A thi zwi ṭodi hezwi, Murena. Zwi bvesele kule na n̄ne!”

²¹⁸ Huno vhuñwe vhusiku Murena vha amba nae, vha ri Saulo, kana, “Paulo, tshilidzi Tshanga tsho eđana.”

²¹⁹ A ri, “Zwenezwo ndi ḍo renda maṭunguni anga. Ndi ḍo renda khao. Ndi a zwi ḋivha uri U Mufhodzi. Ndo U vhona u tshi fhodza vhalwadze, u tshi vusa vhatu, nahone wa pandela vhodiabolo, wa vula maṭo a mabofu. Fhedzi ndo U vhudzisa, huno U mmbudza uri ndi tshilidzi Tshau tsho eđana, zwenezwo diabolo ane a nthisisi ndi—ndi vhuṭungu vhu engedzeyaho ha tshilidzi Tshau. Zwenezwo ndi ḍo renda maṭunguni anga. Ndi ngani? Arali nda huliswa n̄ha ha vhudalo ha nzumbululo.” Ni a vhona?

²²⁰ Ni a vhona, o—o vha a na tshiñwe tshithu tshine vhañwe vhafunziwa vho vha vha si na, o Mu vhona nga murahu ha lufu Lwawe, u swiṭwa, mvuwo, na u gonya. O Mu vhona. Vhañwe vhavho vha ri, “Zwo luga, ndo tshimbila Nae.” Na muñwe na muñwe tshiṭaraṭani o ralo. Fhedzi nga murahu ha musi O fa, a swiṭwa, a vuwa, nahone a gonya n̄ha, huno a vhuya murahu kha tshivhumbeo tsha Khavhu ya Mulilo, O amba na Paulo. Hezwo zwe vha zwi tshi fhira zwe vhañwe vhothe vha vha nazwo. Amen.

²²¹ O ri, “Nndani ha musi nda huliswa nahone nda ṭoda u fhaṭa hedzi dziseminarī khulu na zwiñwe-vho, na tshiñwe tshithu tshihulu, nda sa ralo—nda sa ḋihudza n̄ha ha vhudalo ha heyi nzumbululo, Mudzimu o tendela murumiwa wa diabolo uri a nkhokhovhedzele fhasi.” A ri, “Zwenezwo musi ndo neta, ndo khwāthelela.” Amen. Amen. Nyengedzeyo ya vhuṭungu ha tshilidzi! Amen. Ri nga dzula kha zwenezwo lwa tshifhinga

tshilapfu; awara na miniti ya fuina-þhanu yo fhela, huno—huno ri khou tambula vhuþungu ha tshilidzi Tshawe.

²²² Oo, A nga tendela mafhande a ndila. A nga tendela mafhande a ndila a tshi ri linga, hu uri ita vho khunyelelaho u itela tshumelo Yawe. A nga zwi tendela hezwo zwino, Tshivhidzo, hoþhe hafha na kha theiphi. A nga tendela mafhande a ndila u itela tshumelo yashu.

²²³ Vhunga O ralo kha Daniele. O ñea Daniele mafhande maþuku a ndila linwe duvha. Ni a divha, o vha a muthu muhulu ðhasi ngei Babele. O ralo, O tendela khosi i tshi mu shandukela nahone ya mu posa bakoni la dzindau. Zwo tou mu ita o khunyelelaho fhedzi. Zwo tou ralo!

²²⁴ O tendela vhana vha Vhahevheru vha tshi dzhena ñandoni ya mulilo. Who vha vho ðivhudza u imela Ipfi Lawe!

²²⁵ A nga tendela maipfi a phandekanyo, a vha tendela vha ni sea ngauri na vha na mavhudzi malapfu, a vha tendela vha ni sea ngauri na amba uri ndi ngani no vha muvhumbuluwi mukhethwa kana zwiñwe-vho. Zwi nga ralo, vha nga ni tendela na sea . . . vha nga ni sea nga nthani ha zwenezwo, hezwo, hezwo, hezwo ndi zwone. Hayo ndi mafhande a ndila, hafho hu tou vha þumanoni þukhu. Hezwo ndi zwa u sumbedza tshiñwe tshithu.

²²⁶ Ni a vhona, tshithu tshi tshoþhe tshe mafhande a ndila a ita kha vhana vha Vhahevheru vhe vha ima kha Ipfi, ho vha u vha vhofholola kha mbopho dze vha vha nadzo u mona na milenzhe yavho na ñayo.

²²⁷ Huno tshiñwe tshifhinga zwi dzhia milingo i kondaho u kwasha mbopho dza shango kha riþe. Zwiñwe zwifhinga Mudzimu vha a ri tendela ra vha na mulingo muþuku, ni a divha, u itela u vhona zwine ra do ita, u itela u ni bvisa shangoni. Kana, mañwe maipfi, a ni tendela na vha na mulingo muþuku nahone a ni bvisa kha dzangano, na hoyo muhumbulo wa uri “Methodisi ndi yone i yoþhe, Baphuthisi, kana Pentekosta, kana hetsho ndi—hetsho ndi tshigwada tshi tshoþhe tshire vha vha natsho. Arali ni sa zwi tendi vhunga tshivhidzo tshanga tshi tshi zwi tenda, ni so ngo tenda na luthihi.” Tshiñwe tshifhinga U ya tendela mulingo wa iteya. Khañwe ni na lushie lu lwalaho. Khañwe tshiñwe tshithu tsho iteya nga awara ya lufu. Khañwe no dzhielwa muñwe muthu, kana tshiñwe tshithu. Ndi zwa u ita mini? U ni kwashékanya, u ni sumbedza tshiñwe tshithu, u bonyolosa mató anu. Khañwe no da u sasaladza, tshiñwe tshifhinga-vho. Khañwe ni khou thetshelesa kha heyi theiphi u tou itela u sasaladza. Khañwe Mudzimu u khou ita izwo u tou itela u kwasha dzinwe mbopho dza shango dze dza ni vhofha.

²²⁸ Vhunga muthu a nwelaho khothe mulamboni, ni tea u bvisa uyo muthu mulamboni phanda ha musi ni tshi bvisa mulambo kha uyo muthu. Izwo ndi zwone. Ni tea u thoma u mu bvisa mulamboni, zwenezwo na bvisa mulambo khae. Tshiñwe

tshifhinga Mudzimu u tea u zwi ita nga yeneyo ndila. U ya tendela mafhande, mafhande a ndila a tshi ita zwenezwo. Imani kha pfulufhedziso Dzawe, Ipfi, ngauri ha vhuyi a kundelwa. Vhumatshelo, hezwo zwi tshandani Tshawe. Imani vhunga vho ralo, ni so ngo ralo—ni so ngo neta.

²²⁹ Abrahamu, mafhandeni a ndila dzawe, o zwi divha uri Mudzimu a nga vusa murwa wawe vhafuni, he a mu ḥanganedza a tshi bva hone kha mafhande a ndila. Abrahamu o da mafhandeni awe a ndila. Huno nga murāhu ha musi o fulufhela Mudzimu nahone o vhona madembe a Mudzimu othe, o lindela uyo mutukana lwa miñwaha ya fumbili-thanu, murwa wa pfulufhedziso, huno zwenezwo Mudzimu a mu vhudza uri a ye a kumedze tshithu tshithihi tshe a tshi lindela. Nñe-nne, oo, nne-nne, tshifhinga-de nandi! Fhedzi naa Abrahamu o gobagoba? Vhalani Vharoma, ndima ya 4, iri o vha a “vhudikumelzeli ho khunyelelaho.” Amen. O vha o dikumedza lwo khunyelelaho kha zwe Mudzimu a fulufhedzisa, Mudzimu o vha a tshi kona u zwi ita. Amen. O tendela mafhande a ndila. O vha a khou sumbedza nga kha Abrahamu, riñe, ni a vhona, U ya kona u vusa vhafu.

²³⁰ Abrahamu o ri, “Ndi ḥo mu ḥanganedza sa a bvaho vhafuni.” Mbumbelo ya Sara yo vha yo fa, mbumbelo ya Sara yo vha yo fa; huno ene, muvhili wawe wo vha wo fa, o vha a mukalahi. O vha a si na tsinga dza mafhi dza u kanzwa lushie. Huno vho vha vha si na... Zwo luga, ho vha hu si na tshithu. Huno o vha a mukumi, ene muñe, na ene o vha a muumba. Ni a vhona? A hu na iñwe ndila na luthihi. Huno u mu ḥanganedza sa a bvaho vhafuni, a ri, “Arali Mudzimu a tshi nga ita hezwo, Mudzimu a nga mu vusa vhafuni. Ngauri Mudzimu muthihi we a mmbudza uri lushie lu ḥo bvelela, huno nda ima nahone lwa bvelela, A nga mu vusa vhafuni.” Ngauri, U ita uri zweþhe zwi shumisani u isa huvhuyani kha havho vhane vha Mu funa. Amen.

²³¹ Mudzimu We a ita pfulufhedziso, uri maðuvhani a u fhedza hezwi zwithu zwi ḥo iteya zwine ra zwi vhona zwi tshi iteya! Arali O fulufhedzisa murwa, huno murwa a bvelela; arali O fulufhedzisa hezwi zwithu zweþhe zwine ra zwi vhona kha Luñwalo, huno zwa ralo, kha ri dzhene kha muungo u fanaho wazwo. O fulufhedzisa maðuvhani a u fhedza uri hezwi zwithu zwi ḥo iteya, nahone ri a zwi vhona. O fulufhedzisa uri U ḥo rumela Yesu. Haleluya! Hu ḥo vha na Nwahagidi! Hu ḥo vha na duvha liswa. Hu ḥo vha na duvha line duvha a li tsha ḥo kovhela, ngauri ene... a ri tsha ḥo li ḥoda, ngauri Ngwana ndi Tshedza tsha Dorobo ine ra khou ya khayo. Amen.

²³² U tsha ha duvha liswa, ndi a zwi pfa hoþhe u mona na nñe zwino. Tshedza tsha duvha liswa! Tshedza tsha duvha hune a hu na vhusiku, a hu na swiswi, a hu na mirunzi, a hu na lutombo, a hu na—a hu na u nzwizwimala, a hu na lutombo lutswu, a hu na vhusiku-kati, a hu na mavhida, a hu na maluvha zwikwarani, a

hu na mbulungano, a hu na madokotela, a hu na mutshari. Amen. Ndi—ndi ya kona u pfa one—one masana a Tshedza Tshawe a tshi fhiruludza kha muya wanga. Duvha liswa! Ła kale li kou ḥutshela kule.

²³³ Ndi pfa malofha a faho a tshi shuluwa muvhilini wanga, ndi pfa nyengedzeo ya Muya Mukhethwa i tshi ḫa nga murahu hanga, “Vuwa, nahone u vhoneetshele.”

²³⁴ Tshiñewe tshithu tsho ri, “Billy Branham, u khou kalaho, u khou thoma u neta, mashada au a khou neta, mavhudzi au a khou tshena na u thuvhuwa.” Izwo ndi zwone. Huno swiswi na swiswi litswu kha ḥifhasi!

²³⁵ “Fhedzi vuwa, nahone u vhoneetshele!” Ndi pfa afho hu tshi wela nyengedzeyo ya Tshedza tsha Mafhundo madifha mahulu a Yesu Kristo o nnyitaho tshivhumbwa tshiswa Khae. Ndi lavhelesana na iło duvha, amen, duvha liswa. A thi divhi uri vhumatshelo vhu hani. A thi divhi zwine ha fara, 1964, ye wa mpfarela kana na tshithu na tshithihi zwatsho, fhedzi ndi fara tshanda tsha Uyo a faraho u ya nga Hu Sa Fheli, Ane a vha u ya nga Hu Sa Fheli. Amen.

²³⁶ Abrahamu o zwi divha uri Mudzimu a nga mu vusa hafhu, ngauralo a Mu fulufhēla.

²³⁷ Ngauralo, u itela ḥwaha muswa, divhudzeni u dzula na Ipfı Ławe na zwe Ła fulufhedzisa, vhunga vhañwe (Vhanangiwa) vho ralo kha mañwe mađuvha. Arali ni tshi pfa uri no vhona Tshedza tshe tsha da kha inwi, tsha Yesu Kristo, mbonadzo Yawe ya Muya Mukhethwa Wawe muhulu kha ano mađuvha a u fhedza. Huno, elelwani, elelwani, dzulani nazwo, zwe A ita, ni muñwe wa Vhanangiwa; huno zwine ene, Vhanangiwa kha mañwe mađuvha, vhunga Abrahamu, musi a tshi zwi vhona, musi zwi zwoñe zwi tshi hanedzana na vhuñanzi ha tshisaintsi. Noaxe o zwi vhona, nahone zwoñe zwo vha zwi tshi hanedzana na vhuñanzi ha tshisaintsi. Mushe o zwi vhona, nahone zwoñe zwo vha zwi tshi hanedzana na vhuñanzi ha tshisaintsi. Hezwi zwikathi zwa vhuñali zwo fhiraho; fhedzi Vhanangiwa vho zwi vhonaho, vho ima vho khwañha! Amen.

²³⁸ Huno kha vhumatshelo, kha ri ime ro khwañha kha pfulufhedziso. Mudzimu o i ita, zwi kha Mudzimu u vhona uri i bvelele. Ndi khou tou tevhela muungo u fanaho. Musi i tshi lidza tshifhinga nahone ya ri “haya ndi magumo a William Branham kha ḥifhasi,” zwenezwo ni do ḥuwa na muungo u fanaho. Zwenezwo ndi do vuwa hafhu na muuno u fanaho. Haleļuya! Hoyo ane a i lidza, u a i fhumudza, a i lidza hafhu. Ndi muungo wa Mudzimu, “Ndi do mu vusa mađuvhani a u fhedza. Hoyo ane a tenda kha Nñe u na Vhutshilo ha lini na lini. Hoyo ane a pfa Ipfı Łanga nahone tenda kha Uyo o Nthumaho, u na Vhutshilo Vhu Sa Fheli; huno ha nga di khañhuloni, fhedzi o fhira u bva lufuni u ya kha Vhutshilo.” Ndi do tevhela ku rwele

kwa Ipfi. Amen. Hu si ku rwele kwa mbilu yanga; ku rwele kwa Ipfi! Hu si na ndavha uri ndi mini, arali mbilu yanga i sa rwi na Ipfi, zwenezwo mbilu yanga yo khakheya. Amen. Ngauri, U tou vha Ipfi! Amen. Bivhili i ri vhudza zwenezwo, Ipfi la Mudzimu.

²³⁹ Ndo vha ndi tshi khou thetshelesa mbekanyamushumo, ndi tshi khou gonya ngeno nt̄ha, Billy na nne, a si kale. Huno ho vha hu ino Bivhili . . . yone—yone awara i vhidzwaho tshiporofito, awara ya . . . I vhidzwa u pfi mini? Tshiñwe tshithu nga ha tshiporofito. *Ipfi la Tshiporofito*. Ngoho, ndi Vhaadventisti Vha Duvha La Vhusumbe. Vha na madzina maña kana mañanu o fhambanaho. Vho vha vha Millerites, na u rangani hazwo.

²⁴⁰ Ndi vhone vhe vha ralo, ngei muñanganoni, uri ““Ndi ñivhidza u vha Yesu Kristo; uri ene—ene Khotsi Mukhethwa o vha a nt̄ha hanga, Khavhu ya Mulilo, nahone ndo vha ndi Yesu Kristo.”” Zwo itea ha vha uri ndi khonani yanga o imaho afho kha muñanganano wavho muñuku, a takuwa nahone a ri, “Ni do tea u zwi sumbedza hezwo, ngauri ndi do mu vhidzela henefha. Ndi khou ḥoda u vhona tshiñwe tshifhinga tshe a vhuya a bula zwenezwo,” ni a vhona, huno sa zwenezwo. O vha a khou amba nga maitele o fhambanaho na zwiñwe kha liphasi.

²⁴¹ Vha ya ñivha. Tshiñwe tshifhinga ndo dzula navho kha mbudziso ya *savhatha*. Vha na duvha la kale lo fhiraho. Muya Mukhethwa ndi Savhatha yashu, Bivhili yo ralo, “Idani ha Nñe, vhoinwi noñhe no netaho nahone no lemelwaho, Ndi do ni neya savhatha muyani wañu.” A si “duvha.” Paulo o ri, “Vhoinwi ni faraho duvha, ndi a ni ofha.” Ni a vhona, ndi zwone. Ee, muñe wanga. “Hu na vhuawelo,” Vhahevheru 4, “kha vhatu vha Mudzimu, u vhulunga savhatha. Ngauri riñe vho dzenahoko kha vhuawelo Hawe, ro ima kha mishumo yashu, vhunga Mudzimu o ralo kha Yawe.”

²⁴² Fhedzi tshiambi tshavho, a si kale, mbekanyamushumo ya vhudi, a thi lwi navho. Ndi nga ita tshiñwe na tshiñwe u itela u vha thusa. Nda vha hangwela ndo vhofholowa kha u zwi amba, ngauri vho ralo u amba tshiñwe tshithu tsho khakheyaho. Fhedzi hezwo zwo luga. Pfunzo yavho i fana na ya Thanzi dza Yehova na Saintsyi ya Vhakriste, na haya mañwe maitele oñhe, ni a vhona, tshithu tshi fanaho. Fhedzi dzhielani nzhele, vha fana na mañwe madzangano, a vho ngo khakha, ndi a kholwa, u fhira mañwe oñhe. Ipfi li di dzula li ngooho, ni a vhona, Zwi do di sumbedza Zwone zwinë nga ndila yone. Dzhielani nzhele.

²⁴³ Fhedzi musi a tshi kha di amba, uyo munna a ri, “Ri na bugu ya ñwaha.” Hoyu muñwali, oo, dzina lawe ndi nnyi, muambi wayo? Ndo hangwa uri dzina lawe ndi nnyi. O ambela Vhubindudzi ha Vhakriste kha Seattle hafha a si kale ngei Vhupharani ha Shango. Huno a—a ri, hoyu muñivhadzi o ri, “Hoyu munna o ñwala bugu, bugu ya vhudisa ya uno ñwaha.” Ndi a hanedza.

²⁴⁴ Bugu ya uno የwaha ndi Bivhili! Ndi Tshedza tsha shango. Ndi Mudzimu Ene muñe. Bugu yashu ya የwaha ndi Bivhili. Ya heyi 1964, Bugu yashu ndi Bivhili. Na kha miñwe miñwaha yothe i daho, Bugu yashu ndi Bivhili. Miñwaha yothe yo fhiraho, Yo vha Bugu ya miñwaha yo fhiraho, Bugu ya miñwaha i daho, nahone Ndi Bugu ya u ya nga Hu Sa Fheli. Zwine ya dzumbulula ndi Mudzimu. Ee, I dzumbulula Mudzimu. የwaha muñwe na muñwe une wa kha di da, ndi Bugu ya የwaha. Musi—hothe hune na pfa Bivhili i tshi amba tshiñwe tshithu, pfulufhedziso Yayo yo khwañisedzwa, hu ዲ da u ya nga Hu Sa Fheli, ስinwe ደuvha. Bivhili ndi Yone ine ya ri ነneya pfulufhedziso, musi ni tshi pfa Bivhili i tshi amba uri hu khou ዲ ደuvha ሁኔታ Yesu a ዲ vhuya. Huno ዘnamusi zwino ndi ri . . .

²⁴⁵ Ndi khou teya u vala, ngauri ndo—ndo no fhedza awara mbili ndi fhano, ni a vhona, ndi khazwo.

²⁴⁶ Lavhelesani, arali—arali Bivhili i tshi ri vhudza hezwi zwithu zwi daho, ya amba nga hedzi awara dzothe dzo—dzo fhiraho, mađuvha a Noaxe o humbulelwa, mađuvha a vhaiñwe, Luñwalo lwo humbulelwa, mađuvha a Martin Luther o humbulelwa, mađuvha a Wesley, mađuvha a Pentekostala, ino awara ine ra khou tshila khayo yo humbulelwa, zwothe zwe iteya u ya nga ndila ye zwa vha zwi zwone, zwenezwo musi . . . ndi mini? Ndi Ipfi ሥ ambiwaho ለa Mudzimu, ሥ khwañisedzwaho nga Mudzimu, a ስi ita Tshedza tsha awara. Ni a vhona, vhunga zwine ደuvha la vha zwone. Musi Ipfi, Ipfi ለone ሁኔታ, ndi Tshedza musi ስi tshi khwañisedzwa u itela tshifhinga tshire ለa wela khatsho. Ni a vhona, ሥ khwañisedzwa, musi ስi Tshedza tsha awara.

²⁴⁷ Yohane o vha a Tshedza, o—o vha a Tshedza tshinžhi u fhira tshe Eliya na vhenevho vha vha natsho. Eliya. O vha a si Tshedza tsha Eliya, fhedzi o vha a Eliya kha tshiñwe tshivhumbeo, Tshedza tshi khwañisedzaho. Ni a vhona, o vha o ralo. Huno musi Yesu a tshi ዲ, O ri, “O vha a Tshedza tshi penyaho nahone tshi vhotnetshelaho tsha khalañwaha. Ni funa u tshimbila kha Tshedza tshawe.” Ni a vhona?

²⁴⁸ Huno Yohane o ri, “Zwino ndi tea u fhungudzea. Ndi tea u ቴwa zwino, Tshedza tshanga tsho fhedza u vhotnetshela. Ndi tea u ቴwa. U tea u hula. Ndi ene Tshedza.”

²⁴⁹ O ri, “Ndi Tshedza tsha shango.” Amen. Ndi zwone. “Ene a sa shanduki mulovha, ዘnamusi, na lini na lini.” Huno U kha di vha Tshedza tsha shango. Huno ndi Ene nnyi? “U rangani Ipfi o vha a hone, huno Ipfi o vha a na Mudzimu.” Ndi ngani O vha Tshedza tsha shango? Arali A tshi nga bvelela, a ri ndi Ene Mesia, huno A si ite vhunga zwe Bivhili ya amba uri Mesia u ዲ ita, zwenezwo O vha a si Tshedza tsha shango. Ni a vhona, ndi Ipfi ሥ khwañisedzwaho ሁኔታ zwi ita Tshedza tsha shango.

²⁵⁰ Huno kha ino awara ine ra khou tshila khayo zwino, ለone Ipfi ሥ khwañisedzwaho ለa ino awara! Vhapentekostala, ni ri, “u

amba nga dzindimi,” na zwiñwe zwinzhi. Helo lo vha li Duvha la Pentekoste, hetsho tsho vha tshi Tshedza tsha awara zwenezwiла. Ni a vhona, heli ndi linwe duvha. U Tshedza tsha awara ñamusi.

²⁵¹ Tshikhathi tsha Tshivhidzo tsha Vhusumbe, zwothe zwe fhela, Kristo a nga nnda. Nwedzi u khou zwi talusa, swiswi lothe li khou da kha lifhasi. Tshedza tshi khou lwisa u dzhena ngomu zwino, tshi thoma u sumbedza zwine zwa khou ya u itea. Zwithu izwo zwi do tshinyadzwa, nahone Tshedza tshi do dzhena ngomu huno tsha zwi tshinyadza. Huno Vhakhethwa vha do dzhia lifhasi, vha vhulenda vha do dzhia lifhasi. Lifhasi, swiswi la ñwedzi li do ralo u- . . . u bviswa. Swiswi la vhusiku li do fhira, swiswi na lufu lwalo na mikhuvha, na u tutshela kule na Ipfi la Mudzimu, zwe shandula zwithu zwine vha khou amba. Huno Tshedza tshi do ita uri duvha li tshe.

²⁵² Huno elelwani, musi Bivhili yothe . . . Thetshelesani, kha u vala. Musi heyi Bivhili yothe yo khwañhisedzwa yothe, zwenezwo hu do vha na Shalom ya u ya nga Hu Sa Fheli, Mulalo wa u ya nga Hu Sa Fheli. Ni a vhona?

²⁵³ O ña, huno a ri O vha a “Mulalo kha lifhasi, lufuno lwa vhudi kha muthu,” fhedzi shango a lo ngo zwi tanganedza. Ni a vhona? Ni a vhona? O vha a Mulalo kha muñwe na muñwe we a da Khae a tshi ñoda Mulalo. Ni a vhona? Mulalo kha lifhasi, lufuno lwa vhudi kha muthu, O vha a Mulalo mathomoni a ñwaha muswa, duvha liswa la Mudzimu. Nga mini? O vha a Tshedza tsho khwañhisedzwaho tsha ilo duvha. Ni a vhona?

²⁵⁴ Fhedzi hu na vhunzhi ha Ipfi line la kha di tea u khwañhisedzwa. U tea u khwañhisedza vhunzhi ha Ipfi. Huno musi Ipfi la u fhedzisa li tshi khwañhisedzwa, li tshi khwañhisedzwa, zwavhudzi-vhudzi, zwenezwo lufu lwo miliwa nga gundo, nahone vho felaho kha Kristo vha do vuwa, Ñwahagidi u do thoma, nahone u do tou vha muñwe wa Mulalo muhulu, Shalom. Kha ri tshirele ilo duvha, murathu, khaladzi, u itela iyo Shalom khulu.

²⁵⁵ Elelwani, Bivhili ndi tshisima tsha vhuñali hothe, nahone i fara fulufhelo lothe la vhumatshelo. Kha Tshivhidzo, Shalom! Kha ri rabele.

²⁵⁶ Hetshi tshigwada tshituku tshi re fhano zwino. Ndo—ndo no fhedza awara mbili kha—kha uno Mulaedza muñuku wa ñwaha muswa. No kondelela zwavhukuma. Naa u hone muthihi afha ano matsheloni, kana—kana ano masiari, zwavhudzi-vhudzi, a si na Shalom, uyo Mulalo we wa amba, ilo Ipfi lo taluswaho la Mudzimu musi inwi na Ipfi ni tshi vha tshithihi? Musi, arali Bivhili ya amba tshinwe Tshithu, ni ri “hai, ndi nga si tende uri izwo ndi zwone,” zwenezwo-ha a ni na Shalom. A ni ho kha mulalo na Mudzimu, ngauri Ipfi Lawe li amba tshinwe Tshithu huno na hanedzana Natsho.

²⁵⁷ Huno arali Ipfi la ri, “Shalom, Mulalo,” huno na vha ni na hoyo Mulalo, lenelo Ipfi le Mudzimu a amba, ni nga li tikedza nga “amen,” nahone na Li tenda. Huno musi ni tshi Li vhona li tshi khwaθisedzwa, ni ri, “Amen, heلو ndi Ipfi!” Fhedzi mikhuvha i ya ralo, tshedza, tshedza tsha khole-khole, shango lo dzhena kha murunzi wa tshedza tsho vhonadzwaho sa tsho swifhadzwaho, iñwe mikhuvha, ya u ri, “Hai, ndi—ndi elekanya uri hezwo—uri Hezwo zwo vha zwi zwa tshiñwe tshithu-vho. Hezwo a zwi ambi hezwo,” huno fhedzi Ipfi li tshi Zwi amba? Naa ni khou tevhela uyo murunzi, kana ni khou vhonala na Tshedza?

²⁵⁸ Hafha na kha theiphi, nnyi na nnyi ane a do thetshelesa khayo, zwi elekanyeni lwa tshifhinganyana. Huno arali hu na muñwe a re hone hafha ane a do tama u ralo, a si na itsho Tshedza, naa ni do imisa tshanda tshañu u itela u ñitalusa, uri no lugela u tshimbila kha itscho Tshedza ñamusi. Huno arali hu na muñwe nnđa kha shango line ino theiphi ya do ya, ane ha Natsho, naa ni do ralo u imisela tshanda tshañu kha Mudzimu zwino... Dzimani rekhodo yanu zwino musi ri tshi rabela, gwadamani nga magona anu, huno ni ri, “Murena Mudzimu, ndo timatima, ndo—ndo ita *hezwi*. Ndo elekanya, ‘Zwo luga, ngauri tshivhidzo tsho ri izwo zwithu zwi nga si ralo, nahone *hezwi* zwi nga si ralo.’ Huno, fhedzi ndi a zwi vhona uri zwo fulufhedziswa kha Bivhili, nahone ndi vhona zwithu zwinzhi nga maanda. Na mañadulu a ya Zwi khwaθisedza, one ane. Huno hezwi zwithu zwo ambiwaho, zwi khou itea nga u ralo kokotolo. Huno Mudzimu ngei Tađulu u khou khwaθisedza zwithu zwithihi. Ngauralo, ndi khou ñoda u zwi ñanganedza zwino. Tendela Ipfi la Mudzimu li de kha nn̄e. Huno u ntendele ndi dzhene kha muungo u fanaho, ya u sa thetshelesa zwine tshivhidzo kana mureri a amba; fhedzi ntendele ndi dzhene kha muungo u fanaho wa Ipfi, huno ndi vhone zwine La amba. Huno u Li tendele li nnđisele, kha huno Mbila khulu ya Mudzimu, u rwela nnđa ha lufuno Lwawe vhutshiloni hanga.”

²⁵⁹ Khotsi ashu wa Tađulu, ri disa kha Iwe zwino tshanda tshiñwe na tshiñwe tsho imiswaho huñwe na huñwe. Huno u tendela Muya Mukhethwa wa Mudzimu u tshi vha ñisela muungo u fanaho wa Ipfi na Ngoho Yalo, uri vha vhumbiwe zwino sa vharwa na vhananyana vha Mudzimu, huno vha khou tea u vha tshivhoni tsha Tshedza tsha Mudzimu kha liphasi. Vha khou tea u vha Ipfi lo vhonadzwaho, line vhanna na vhasadzi vha tea u tshila nga ndila ye Yesu a tshila ngayo, na u—u tenda Ipfi linwe na linwe la Mudzimu na u tshila Ngalo vhunga O ralo, ngauri O ri, “Muthu ha nga tshili nga vhurotho fhedzi, fhedzi nga Ipfi linwe na linwe li bvaho mulomoni wa Mudzimu.” Hu si mañwe a Maipfi fhedzi, tshipida tsha Maipfi, fhedzi “nga Ipfi linwe na linwe li bvaho mulomoni wa Mudzimu.”

²⁶⁰ Ipfi la tshifhinga tsha Mushe a lo ngo shuma mađuvhani a tshifhinga tsha Yesu. Mushumo... Ipfi mađuvhani a vhaapostola

a li shumi kha lino ḋuvha. Ndi Ipfi lo fulufhedziswaho la lino ḋuvha. Who amba vhone vhane vha ralo, nahone vha zwi amba nga Muya Mukhethwa, uri zwi do itea mađuvhani a u fhedza, uri zwivhidzo zwi do thanyesa, vha-đikukumusi, uri phombwe i do vuwa hani na zwipombwe tsini nayo, na uri hani... vha do swifhadza lifhasi. Huno tshikhathi tsha u fhedza tsha tshivhidzo, Laodekia, Yesu u do bviswa kha tshivhidzo lwo fhelelaho.

²⁶¹ O Murena, ntendele ndi dzule na Nae, Ipfi. Huno ndi vthonadze Tshedza Tshawe, nga kha riñe roþe, musi ri tshi thoma kha uno ñwaha muswa, na u divhudza. Ngeno ri sa diþhi zwine uno ñwaha muswa wa fara, fhedzi ri khou farelela Khae, Ipfi, line la diþha Mbila yoþe u bva u rangani u swika magumoni. U diþha mutshimbilo muñwe na muñwe na mafhande oþe. Huno, Murena, ri khou tou Mu lavhelesa, ra vheya maþo ashu Khae, Ipfi. Zwenezwo musi ri tshi vhone hezwi zwithu zwi tshi vhonala, ri a zwi diþha uri ri kha muungo u fanaho wa Ipfi. Zwi tendele. Tshidza myua muñwe na muñwe wo xelaho, Murena, uri fhano, na muñwe na muñwe ane a thetshelesa theiphi. Ri vha kumedzela kha Iwe, u itela Muvhuso Wau, nga Dzina la Yesu Kristo. Amen.

²⁶² Zwino, hu na... Ndo takala u vha na vhoiñwi ano matsheloni oþe. Ngauralo, ndo vha ndi khou ralo kokotolo, u bva tshe nda zwi thoma, awara mbili kokotolo, u bva kha miniti ya fumiþhanu u ya kha iri ya vhufuminthihi ñþha ha tshithoma, u swika kha miniti ya vhufumiþhanu uri i ye kha iri ya u thoma. Ndo vhudza Meda, nda ri, "Ndi do vhuya nga hafu u bva kha iri ya u thoma." Zwino, a ri tendi kha u vunda mulayo wa luvhilo. A thi humbuliuri ri tea u ita izwo, ni a vhone, u zwi ita. Zwino ri a ni livhuwa. Ndi khou þoda u amba zwino...

²⁶³ Terry o dzima theiphi yawe ya u rekhoda, ngauri ndi yeneyo theiphi ine ya ya nnnda. Ndi elekanya uri *yanu* i tshe yo vulelwa, zwine zwe luga, ni a vhone, ngauri ndi khou ya u amba na tshivhidzo.

²⁶⁴ Ndi a ni livhuwa noþhe hafha phasi. Huno hu na zwifhinga zwinzhi zwine nda elekanya uri hezwi ndi zwikhukhuliso kha nñe, u da hafha murahu ha soga, vhunga ndi tshi hu vhidza nga u ralo. U vhuya murahu nga sogani, murahu-rahu hafha, huno nda lavhelesa u mona, nda vhone itshi tshigwada tshituku nnnda hafha phasi ha miri, tsini na mulambo. Huno zwino ri thungo ya vhubvaðuvha ya mulambo. Huno ndi—ndi—ndi fulufhela uri Mudzimu u do ni fhaþutshedza, muñwe na muñwe wa vhoiñwi. Mudzimu, Shalom, a vhe na inwi. Hoyo ndi mulalo Wawe.

²⁶⁵ Huno ndi humbelo pfarelo, ngoho, u ni fareledza sa hezwi, fhedzi u tou itela u wana theiphi ya hezwi zwino. Musi, arali Murena vha tshi funa, hezwi ndi zwine nda tea u amba ngazwo, ngei—ngei Phoenix, masiari a Swondaha. Zwenezwo, Musumbuluwo, ndi khou þuwa, zwiþuku, miþangano mipfufhi, na zwiñwe. Ndo diþhudza mbiluni yanga kha uno ñwaha, arali

Murena vha tshi funa . . . ndi—ndi tou tumula na u kherukanya, thungo na thungo. Ni a vhona?

²⁶⁶ Huno ri a zwi divha uri heyo ndi thaluso. Ri a divha uri Mukokodzo wa Vhuraru ndi mini. Rothe ri a ralo, rothe izwo ri a zwi pfesesa. Zwino, no wana, theiphi ni do i wana. Ni a vhona? Huno ndi elekanya uri zwi do dzula two shumula lwa tshikhalyanya, u swika awara khulwane ya mutovholo i tshi swika. Ndi hone hune wa do ralo. U do amba. U do vhonadzwa vhunga zwiga zwiyanu thwii hu si na u kundelwa, kokotolo. Huno zwino ndi elekanya, itanu lindela, ni a vhona, u vhona zwine wa ita. Zwino ndi khou humela murahu, nga ndila i fanaho hafhu, hafhu na hafhu, u wanulusa.

²⁶⁷ Miṭangano mipfufhi, ndi khou u ya u lingedza u ralo, u bva vhusiku vhuñwe na vhuñwe, nga u ḥavhanya. Nda vha na miniti ya furaru, huno nda amba zwiñwe nga ha phodzo Khethwa kana zwiñwe zwi ngaho izwo. Huno tshenetsho tshine nda lugisela u ita theiphi hafhu, ndi nga gidimela fhasi hafho murahu ha soga, kana nt̄ha thebareakeneni kana huiñwe fhethu hune ni nga ita theiphi, hune ra do vha ri nga tshashu, ndi nga amba zwine nda tama u ralo, sa zwenezwo. Fhedzi, ni a vhona, Yesu . . .

²⁶⁸ Elelwani. Ni a vhona? Ndi tea u lavhelesa. Musi ndi tshi vhona vhathu vho tou ralo u fhelela, vha tshi tutshela kule nga u sa londa, ndi elekanya uri ndo lingedza u zwi bvisela khagala ano matsheloni. Ndi swiswi l̄itswu khavho. A vha koni u zwi thusa. Ndi a vha hangwela, ni a vhona, kha u sa thetshelesa. Huno vho vhona zwithu zwe Mudzimu a ita, naho two ralo a vha zwi tendi. Ndi kha di rabela, “Mudzimu, vha hangwele.” Huno ndi zwi amba zwi tshi bva mbiluni. Ni so ngo zwi amba ngauri Mulanguli wanga o zwi amba, fhedzi ndi khou ṭoda u pfa mbiluni yanga, u thoma, uri ndi a ralo zwavhukuma.

²⁶⁹ A thi dikhethi vhathuni. A thi ṭodi u ita izwo. Ni a vhona? Ngauri ndi—ndi . . . ndi na Mulaedza wavho, “u tshidziwa.” Ndi khou tea u ya vhukati havho. Ni a vhona? Zwino, ndi ya nnnda na Vhavhuraru, na Vhamethodisi, Vhabaphuthisi, Vhalutere, Pentekostała, Vhaadventisti Vha Duvha La Vhusumbe, na zwiñwe zwothe. Ngauri, ndi khou ṭoda u tshidza hezwo two xelaho, arali ndi sa koni; u Zwi dzhenisa ngomu, u vha sumbedza Tshedza. Huno Murena a vhe na vhoiñwi.

²⁷⁰ Ndi na tshashu—miṭangano ya tshigwada tshashu tshiṭuku ya u thoma hafha. A thi divhi arali ni nayo, kana hai, nzudzanyo hafha. Arali vhañwe vha vhoiñwi . . . Ndi do zwi sia two dzula heneffha. Mufunzi u do ni vhaleda zwone, hune ra khou tea u ḥanganana hone, huno arali Murena a tshi funa. Hezwo ndi musi, Murena a tshi funa. A thi na vhurangaphanda khavho, ndi khou sokou ya nnnda-vho, u ya u lingedza u ita tshiñwe na tshiñwe tshine nda kona. Huno arali ni na vhañwe vhafuñwa u mona, na heneffho, vhane vha do tama u da kha muñwe wa miṭangano,

ngani, ni vha ንwalele luňwalo nahone ni vha vhudze uri vha dzhenelele muňwe wa heyi miňangano.

²⁷¹ Mudzimu a ni fhaňutshedze. Ndi zwavhuđi u ni vhona, Mukomana Stricker na Khaladzi Stricker, na vhoinwi vhathe noňe hafha. Zwino, vhaňwe vhavho, a thi ñivhi madzina aňu. Fhedzi ndi—ndi ni ñivha nga vhuňanzi ha Muya Mukhethwa, uri ni vharathu vhangha na dzikhaladzi. Huno—huno lufuno lwanga na ñthonifho ndi ya vhoinwi. Huno kha uho u ñihudza huhulu, ndi do tsela fhasi hafha na vhoinwi.

²⁷² Huno ndi a ñivha uri ni ita hani—ni dzudzanya hani tshiswiňulo tshaňu hafha, ri khou ya u vha na vhuľedzani vhuňuku ha tshiswiňulo. Ndi tou tama fhedzi arali zwo vha zwi tshi konadzea uri ndi dzule. Huno—huno ndi a zwi ñivha uri ndi zwavhuđi. Ndi—ndi a zwi ñivha uri ni na vhabiki vha khwiňe shangoni. Ndi a ñivha uri izwo ndi zwone. Fhedzi ndi do vha na yanga ya bega, ndi tshi gonya. Fhedzi, zwo diralo, ndi na ndangano dzanga dzine nda khou tea u dzi ita. Tshifhinga tshanga tsho netshedzwa, zwiňuku *hafha* na zwiňuku *hafho*. Noňe ni a pfesesa, ndi na vhuňanzi. [Tshivhidzo tshi ri, “Amen.”—Mudz.] A si nthani ha uri a thi tami u dzula. Izwo Mudzimu u ya zwi ñivha. Ndi nga si ñe fhasi hafha... Ni a vhona?

²⁷³ Muňwe muthu u ri, “U nga tsa fhasi afho huno wa rera kha vhathe vha furaru, ngeno u tshi nga vha u tshi khou funza zwithu zwithihi kha vhathe vha zwigidi zwa fumi?” Zwo tou ralo. Hezwo a zwi iti phambano na nthihi, tshivhalo. Ndi khou ţoda u vhon a hune Zwa ţanganedzwa.

²⁷⁴ “Ni so ngo posa malungu aňu kha nguluvhe. Dzi a rembuluwa huno dza a kandekanya fhasi ha milenzhe yadzo, zwenezwo dzi do rembuluwa dza ni kherukanya.” Ni a vhona? Fhedzi a ni tei u posa malungu aňu heneffo.

²⁷⁵ Huno izwo ndi a zwi pfa, zwe nda amba hafha, a si u posa malungu kha nguluvhe. Ndi elekanya uri ndi u sumbedza, vhana, zwiňina zwavho. Ni a vhona? Ni a vhona? Tshiňwe tshifhinga zwiňina zwi wanala gai? Matopeni na mathukhwini.

²⁷⁶ No no vhuya na dzhieila nzhele dzuvha, hune la bva hone? Fhasi mulongani wa kutivha. Huno li a tambula, masiari na vhusiku, uri li ñiise tshedzani. Fhedzi la vhuya la wana tshedza, li a fhufhumha, huno la vha luvha lo nakesaho line la vha hone hoňhe. Hezwo ndi zwiňina dzuvha la vha zwone. Li bva tshikani ya lifhasi, na thukhwini.

²⁷⁷ Ndi heneffo hune zwiňina zwa wanala hone, zwo putelwa kha hoyu muvhuso wa musuku wa lushaka. Hune na wana hone musuku ndi fhasi mavuni. Hune na wana hone malungu na zwiňina ndi matopeni. Ndi zwone kokotolo. Ndi heneffo hune roňhe ra bva hone, matope na tshika ya shangoni. Fhedzi hezwi hafha...

²⁷⁸ Ndi tou vha muṭoli wa musuku. Muṭoli wa musuku u ita mini? U zwima musuku. Zwenezwo, musi a tshi ralo, u ya u penyisa. Huno a u sinda, nahone a u ḥokisa, huno a u lugisa.

²⁷⁹ *Hoyu* ndi mugodi wa Musuku. Ni a vhona? ndi khou lavhelesa *hafha*, tshifhinga tshoṭhe, u tela zwinina zwo nakaho. Ni a vhona? Ndi zwi wana ḥafha, huṇwe fhethu buseni, huno nda zwi pholisha, huno nda ri, “Murena, khevha henefha. Khoyu murathu. Khoyu Mukriste o bebwaho hafhu. Khoyu wa u luga, mufumakadzi muṭuku. Khoyu wa u luga, wa miṇwaha ya vhukati, musadzi muhulwane, nne-nne, musadzi muṭuku, tshiṇwe na tshinwe. Khevha henefha, Murena. Vha tou vha zwiṇina Zwau. Vha vheye kha khare Yau, Murena. Vha ḥo penya lwa tshoṭhe na tshoṭhe, sa zwenezwo.”

U swika ndi tshi ni vhona, Shalom. Mulalo wa Mudzimu u vhe na inwi!

²⁸⁰ Zwo luga, mufunzi, iḍa hafha. Zwo luga. Mudzimu a ni fhaṭutshedze zwino. Huno ndi ḥo ni vhona hu si kale. 

SHALOM TSV64-0112
(Shalom)

Hoyu Mulaedza nga Mukomana William Marrion Branham, u rangani wo ḥewa naga Tshiisimane nga matsheloni a Swondaha, Phando 12, 1964, kha Mučangano wa Nq̄uni ngei Sierra Vista, Arizona, U.S.A., wo dzhiwa kha rekhodo ya theiphi ya imaginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org